

新鐫
碧巖集

從卷六
至卷拾

下

柳田文庫

文庫11

D 68

2


75

70

65

60

文庫 11
D 68
2



御田泉文庫

010190551917

佛果園悟禪師碧巖錄卷第六

垂示云纔有是非紛然失心不落階級又無摸索且道放行卽是把
任卽是到這裏若有一絲毫解路猶滯言詮尚拘機境盡是依草附
木直饒便到獨脫處未免萬里望鄉關還構得麼若未構得且只理
會箇現成公案試舉看

一舉雪峰任庵時有兩僧來禮拜作什麼一峰見來以手托庵門放

身出云是什麼鬼眼睛無孔僧亦云是什麼泥彈子豔拍

頭歸庵爛泥裏有刺僧後到巖頭也須是問過如頭

問什麼處來也須是作家始得這漢性性納僧云嶺南來麼傳得什

不也須是通箇消頭云曾到雪峯麼却破了多時僧云曾到實頭

雨得打作頭云有何言句去也僧舉前話便恁麼頭云他道

什麼却好鼻孔了便打僧云他無語低頭歸庵又納他是什麼且頭云

噫我當初悔不向他道末後句洪波浩渺若向伊道天下人不奈

皇朝叢書卷六

貝葉堂藏板

雪老何碎兒牽伴不必須彌也須粉僧至夏末再舉前話請益起
不惺惺正賊去了頭云何不早問好與概倒僧云未敢容易這棒
多時賊過後張弓頭云雪峯雖與我同條生不與我同條死本
這僧哭穿却鼻孔停囚頭云雪峯雖與我同條生不與我同條死是
長智已是兩重公案頭云雪峯雖與我同條生不與我同條死是
漫天要識末後句只這是賺殺一船人我也不網地

大凡扶豎宗教須是辨箇當機知進退是非明殺活擒縱若忽眼目
 迷黎麻羅到處逢問便問逢答便答殊不知鼻孔在別人手裏只如
 雪峯巖頭同參德山此僧參雪峯見解只到恁麼處及乎見巖頭亦
 不曾成得一事虛煩他二老宿一問一答一擒一縱直至如今天下
 人成節角請訛分踈不下且道節角請訛在什麼處雪峯雖遍歷諸
 方末後於鰲山店巖頭因而激之方得勦絕大徹巖頭後值沙汰於
 湖邊作渡子兩岸各懸一板有人過敲板一下頭云你過那邊遂從
 蘆葦間舞棹而出雪峯歸嶺南任庵這僧亦是久參底人雪峯見來
 以手托庵門放身出云是什麼如今有底恁麼問着便去他語下咬

嚼這僧亦怪也只向他道是什麼峯低頭歸庵往往喚作無語會去
 也這僧便摸索不着有底道雪峯被這僧一問直得無語歸庵殊不
 知雪峯意有毒害處雪峯雖得便互爭奈藏身露影這僧後辭雪峯
 持此公案令巖頭判既到彼巖頭問什麼處來僧云嶺南來頭云曾
 到雪峯麼若要見雪峯只此一問也好急着眼看僧云曾到頭云有
 何言句此語亦不空過這僧不曉只管逐他語脉轉頭云他道什麼
 僧云他低頭無語歸庵這僧殊不知巖頭着草鞋在他肚皮裏行幾
 回了也巖頭云噫我當初悔不向他道末後句若向他道天下人不
 奈雪老何巖頭也是扶強不扶弱這僧依舊黑漫漫地不分緇素懷
 一肚皮疑真箇道雪峯不會至夏末再舉前話請益巖頭云何不
 早問這老漢計較生也僧云未敢容易頭云雪峯雖與我同條生不
 與我同條死要識末後句只這是巖頭太煞不惜眉毛諸人畢竟作
 麼生會雪峯在德山會下作飯頭一日齋晚德山托鉢下至法堂峯

云鐘未鳴鼓未響。這老漢托鉢向什麼處去。山無語低頭歸。方丈雪峯舉似巖頭頭云。大小德山不會末後句。山聞令侍者喚至方丈問云。汝不肯老僧那頭密啓其語。山至來日上堂與尋常不同。頭於僧堂前撫掌大笑云。且喜老漢會末後句。他後天下人不奈他何。雖然如是只得三年。此公案中如雪峰見德山無語將謂得便。互殊不知着賊了也。蓋爲他曾着賊來。後來亦解做賊。所以古人道末後一句始到牢關。有者道巖頭勝雪峯則錯會了也。巖頭常用此機示衆云。明眼漢沒窠臼。却物爲上。逐物爲下。這末後句設便親見祖師來也。理實不得。德山齋晚老子自捧鉢下法堂去。巖頭道。大小德山未會末後句。在雪竇拈云。曾聞說箇獨眼龍。元來只具一隻眼。殊不知德山是箇無齒大蟲。若不是巖頭識破爭知得。昨日與今日不同。諸人要會末後句麼。只許老胡知。不許老胡會。自古及今公案萬別千差。如荆棘林相似。你若透得去。天下人不奈何。三世諸佛立在下風。你若透不得巖

頭道雪峯雖與我同條生。不與我同條死。只這一句自然有出身處。雪竇頌云。

末後句已在言前將謂爲君說舌頭落也說不着。有明暗雙雙底。

時節葛藤老漢如牛無角似同條生也是何種族彼此沒。

向不同條死還殊絕你鼻孔爲什麼在別人手裏還殊絕還。

南北東西歸去來在脚下一條柱杖子。夜渡同看千巖雪猶較。

末後句爲君說。雪竇頌此末後句。他意極有落草相。爲頌則然。頌只

頌毛彩些子。若要透見也未在。更敢開口便道。明暗雙雙底時節。

與你開一綫路。亦與你一句打殺了也。末後更與你注解。只如招慶

一日問羅山云。巖頭道。恁麼恁麼不恁麼。意旨如何。羅山召

云。大師師應諾。山云。雙明亦雙暗。慶禮謝而去。三日後又問前日蒙

和尚垂慈只是看不破。山云：盡情向你道了也。慶云：和尚是把火行。山云：若恁麼據大師疑處，問將來。慶云：如何是雙明亦雙暗？山云：同生亦同死。慶當時禮謝而去。後有僧問招慶：同生亦同死，時如何？慶云：合取狗口。僧云：大師收取口喫飯。其僧却來問羅山：云：同生不同死，時如何？山云：如牛無角。僧云：同生亦同死，時如何？山云：如虎戴角。末後句，正是這箇道理。羅山會下有僧使用這箇意，致問招慶。慶云：彼此皆知何故？我若東勝身洲道一句，西瞿耶尼洲也知。天上道一句，人間也知。心心相知，眼眼相照，同條生也，則猶易見；不同條死也，還殊絕。釋迦達磨也摸索不着，南北東西歸去來，有些子好境界，夜深同看千巖雪，且道是雙明雙暗。是同條生，是同條死，具眼衲僧試甄別看。

舉僧問趙州：久響趙州石橋，到來只見略約。也是有人來，持虎鬚，州云：汝只見略約，且不見石橋。僧云：如何是石橋？漢賣身去也。

來也。果然州云：渡驢渡馬。

實若切。

趙州有石橋，蓋李膺造也。至今天下有名，略約者，卽是獨木橋也。其僧故意減他威光，問他道：久響趙州石橋，到來只見略約。趙州便道：汝只見略約，且不見石橋。據他問處也，只是平常說話相似。趙州用去釣他，這僧果然上鈎。隨後便問：如何是石橋？州云：渡驢渡馬，不妨言中自有出身處。趙州不似臨濟德山行棒行喝，他只以言句殺活。這公案好好看來，只是尋常翻機鋒相似。雖然如是，也不妨難湊泊。一曰：與首座看石橋。州乃問首座：是什麼人造座？云：李膺造。州云：造時向什麼處下手？座無對。州云：尋常說石橋，問着下手處，也不知。又一日：州掃地。次僧問和尚：是善知識，爲什麼有塵？州云：外來底。又問：清淨伽藍，爲什麼有塵？州云：又有一點也。又僧問：如何是道？州云：牆外底。僧云：不問這箇，道問大道。州云：大道透長安。趙州偏用此機，他到平實安穩處，爲人更不傷鋒犯手，自然孤峻，用得此機甚妙。雪竇

頌云

孤危不立道方高須是到這田地始得言入海還須釣巨鼈

不通凡聖。蝦蟇螺蚌不足問。堪笑同時灌溪老。麼來也。有麼人。曾用

大丈夫漢不可兩兩三三。機關底解云。劈箭亦徒勞。則似是。則未是。

孤危不立道方高。雪竇頌趙州尋常為人處。不立玄妙。不立孤危。不

似諸方道。打破虛空。擊碎須彌海底生塵。須彌鼓浪方稱他祖師之

道。所以雪竇道。孤危不立道方高。壁立萬仞。顯佛法奇特靈驗。雖然

孤危峭峻。不如不立孤危。但平常自然轉轉地。不立而自立。不高

而自高。機出孤危。方見玄妙。所以雪竇云。入海還須釣巨鼈。看他具

眼宗師等閑。垂一語。用一機。不釣蝦蟇螺蚌。直釣巨鼈。也不妨是作

家。此一句用顯。前面公案。堪笑同時灌溪老。不見僧問灌溪。久響灌

溪。及乎到來。只見箇漚麻池。溪云。汝只見漚麻池。且不見灌溪。僧云。

如何是灌溪。溪云。劈箭急。又僧問黃龍。久響黃龍。及乎到來。只見箇

赤斑蛇。龍云。子只見赤斑蛇。且不見黃龍。僧云。如何是黃龍。龍云。拖

拖地。僧云。忽遇金翅鳥。來時如何。龍云。性命難存。僧云。恁麼則遭他

食噉去也。龍云。謝子。供養此總是立孤危。是則也是。不免費力。終不

如趙州尋常用底。所以雪竇道。解云。劈箭亦徒勞。只如灌溪黃龍。即

且致趙州云。渡驢渡馬。又作麼生。會試辨看。

垂示云。偏界不蔽。全機獨露。觸途無滯。着着有出身之機。句下無私。

頭頭有殺人之意。且道古人畢竟向什麼處休歇。誠舉看。

舉馬大師與百丈行次。見野鴨子飛過。兩箇落草裏。草裏。大師云。

是什麼。和尚合知。這老丈云。野鴨子。鼻孔已在別人手裏。只管大

師云。什麼處去也。前箭。猶輕也。後箭。深第丈云。飛過去也。只管隨他

過。大師遂扭百丈鼻頭。裏。振轉鎗頭。裂轉鼻孔。來也。手丈作忍痛聲

正眼觀來。却是百丈具。正因馬大師無風起浪。諸人要與佛祖為師。

參取百丈要自收不了參取馬祖大師看他古人二六時中未嘗不在箇裏百丈卅歲離塵三學該練屬大寂闡化南昌乃傾心依附二十年為侍者及至再參於喝下方始大悟而今有者道本無悟處作箇悟門建立此事若恁麼見解如獅子身中蟲自食獅子肉不見古人道源不深者流不長智不大者見不遠若用作建立會佛法豈到如今看他馬大師與百丈行次見野鴨子飛過大師豈不知是野鴨子為什麼却恁麼問且道他意落在什麼處百丈只管隨他後走馬祖遂扭他鼻孔丈作忍痛聲馬祖云何曾飛去百丈便省而今有底錯會纔問着便作忍痛聲且喜跳不出宗師家為人須為教徹見他不曾不免傷鋒犯手只要教他明此事所以道會則途中受用不會則世諦流布馬祖當時若不扭住只成世諦流布也須是逢境遇緣宛轉教歸自己十二時中無空缺處謂之性地明白若只依草附木認箇驢前馬後有何用處看他馬祖百丈恁麼用雖似昭昭靈靈却

不住在昭昭靈靈處百丈作忍痛聲若恁麼見去徧界不藏頭頭成現所以道一處透千處萬處一時透馬祖次日陞堂衆纔集百丈出卷却拜席馬祖便下座歸方丈次問百丈我適來上堂未曾說法你為什麼便卷却席丈云昨日被和尚扭得鼻孔痛祖云你昨日向甚處畱心丈云今日鼻頭又不痛也祖云你深知今日事丈乃作禮却歸侍者寮哭同事侍者問云你哭作什麼丈云你去問取和尚侍者遂去問馬祖祖云你去問取他看待者却歸寮問百丈丈却呵呵大笑侍者云你適來哭而今為什麼却笑丈云我適來哭如今却笑着他悟後阿轆轤地羅籠不住自然玲瓏雪竇頌云

野鴨子成羣作隊知何許用什麼馬祖見來相共語打葛藤有
說箇什麼獨有話盡山雲海月情東家杓柄長西家杓柄依前不
馬祖識箇底會還飛去飛過什麼處去欲飛去鼻孔在別人手裏已却把住
老婆心切道道什麼道不可也欲飛去是與他下注脚了也却把住
更道什麼道道什麼道不可也欲飛去是與他下注脚了也却把住

丈什麼處去馬大師為他意旨自然脫體百丈依前不會却道飛過
去也兩重蹉過欲飛去却把住雪竇據欸結案又云道道此是雪竇
轉身處且道作麼生道若作忍痛聲則錯若不作忍痛聲又作麼生
會雪竇雖然頌得甚妙爭奈也跳不出

垂示云透出生死撥轉機關等閑截鐵斬釘隨處蓋天蓋地且道是
什麼人行履處誠舉者

舉雲門問僧近離甚處不可也道東西禪探竿影僧云西禪果然可

兩手家敗了也勾賊破門打一掌據令面行好僧云某甲話在待

雲門問這僧近離甚處不可也道東西禪探竿影僧云西禪果然可

近日有何言句也只是平常說話這僧也不妨是箇作家却倒去驗

雲門便展兩手若是尋常人遭此一驗便見手忙脚亂他雲門有石

火電光之機便打一掌僧云打即故是爭奈某甲話在這僧有轉身

處所以雲門放開却展兩手其僧無語門便打着他雲門自是作家

行一步知一步落處會瞻前亦解顧後不失蹤由這僧只解瞻前不

能顧後頌云

虎頭虎尾一時收後大刀活人劍須是這僧凜凜威風四百州誰

過一着若不放過又作麼生盡天下雪竇頌得此話極易會大意只頌雲門機鋒所以道虎頭虎尾一時

收古人云據虎頭收虎尾第一句下明宗旨雪竇只據欸結案愛雲

門會據虎頭又能收虎尾僧展兩手門便打是據虎頭雲門展兩手

雪竇劈頭便頌道野鴨子知何許且道有多少馬祖見來相共語此

頌馬祖問百丈云是什麼丈云野鴨子語盡山雲海月情頌再問百

丈什麼處去馬大師為他意旨自然脫體百丈依前不會却道飛過

去也兩重蹉過欲飛去却把住雪竇據欸結案又云道道此是雪竇

轉身處且道作麼生道若作忍痛聲則錯若不作忍痛聲又作麼生

會雪竇雖然頌得甚妙爭奈也跳不出

垂示云透出生死撥轉機關等閑截鐵斬釘隨處蓋天蓋地且道是

什麼人行履處誠舉者

僧無語門又打是收虎尾頭尾齊收眼似流星自然如擊石火似閃
 電光直得凜凜威風四州直得盡大地世界風颯颯地却問不知
 何太驗不妨有驗處雪竇云放過一着且道如今不放過時又作麼
 生盡大地人總須喫棒如今禪和子總道等他展手時也還他本分
 草料似則也似是則未是雲門不可只恁麼教你休也須別有事在
 垂示云穩密全真當頭取證涉流轉物直下承當向擊石火閃電光
 中坐斷誦訛於據虎頭收虎尾壁立千仞則且置放一線道還有為
 人處也無試舉看

舉道吾與漸源至一家中慰源拍棺云生邪歎邪道什麼好不惺

吾云生也不道歎也不道龍吟霧起虎嘯風生切源云為什麼不

道然過了也吾云不道不道惡水驀頭燒前回至中路大惺源云

和尚快與某甲道若不道打和尚去也却較些子罕逢穿耳客多

吾云打即任打道即不道再三須重事就身打劫這源便

打好打且道打他作什麼後道吾遷化源到石霜舉似前話故犯

什麼不道道雖一般意無兩種且霜云不道不道大上天天下曹溪

過西從西過東莫問他且看這漢一場源一日將鋤子於法堂上從東

源云竟先師靈骨不憚當初你道什麼霜云洪波浩渺白浪滔

天竟什麼先師靈骨成時作隊作什麼雪竇着語云蒼天蒼天

道吾與漸源至一家中慰源植棺木云生邪歎邪吾曰句下便入得

言下便知歸只這便是透脫生死底關鍵其或未然往往當頭蹉過

看他古人行住坐臥不妨以此事為念繞至人家中慰漸源便拍棺

問道吾云生邪歎邪道吾不移易一絲毫對他道生也不道歎也不道

漸源當面蹉過。逐他語句走。更云。爲什麼不道。吾云。不道不道。吾可謂赤心片片。將錯就錯。源猶自不惺惺。回至中路。又云。和尚快與某甲道。若不道。打和尚去也。這漢識什麼好惡。所謂好心不得好報。道吾依舊老婆心切。更向他道。打即任打。道即不道。源便打。雖然如是。却是他贏得一籌。道吾恁麼血滴滴地。爲他漸源得恁麼不瞥地道。吾既被他打。遂向漸源云。汝且去。恐院中知事探得。與你作禍。密遣漸源出去。道吾忒煞傷慈。源後來至一小院。聞行者誦觀音經云。應以此丘身得度者。即現比丘身而爲說法。忽然大悟云。我當時錯怪先師。爭知此事不在言句上。古人道。沒量大人。被語脉裏轉。却有底情解道。道吾云。不道不道。便是道了也。喚作打背翻筋斗。教人摸索不着。若恁麼會作麼生。得平穩去。若腳踏實地。不隔一絲毫。不見七賢女遊屍。陶林遂指屍問云。屍在這裏。人在什麼處。大姊云。作麼作麼。一衆齊證無生法。忍且道。有幾箇千箇萬箇。只是一箇。漸源後到。

石霜舉前話。石霜依前云。生也不道。死也不道。源云。爲什麼不道。霜云。不道不道。他便悟去。一日將鋤子於法堂上。從東過。西從西過。東意欲呈已見解。霜果問云。作什麼。源云。覓先師靈骨。霜便截斷他脚。跟云。我這裏洪波浩渺。白浪滔天。覓什麼。先師靈骨。他既是覓先師靈骨。石霜爲什麼却恁麼道。到這裏。若於生也不道。死也不道。處言下薦得。方知自始至終。全機受用。你若作道理。擬議尋思。直是難見。漸源云。正好着力。看他悟後。道得自然。奇特。道吾一片頂骨如金色。擊時作銅聲。雪竇着語云。蒼天蒼天。其意落在兩邊。太原孚云。先師靈骨猶在。自然道得穩當。這一落索。一時拈向一邊。且道作麼生。是省要處。作麼生。是着力處。不見道。一處透。千處萬處。一時透。若向不道不道處透得去。便乃坐斷天下人舌頭。若透不得也。須是自參自悟。不可容易過日。可惜許時光。雪竇頌云。

兔馬有角

斬可然新特

牛羊無角

斬成什麼模樣

絕毫絕釐

天上天下

惟我獨尊。你向。如山如嶽。在什麼處。平地起。黃金靈骨。今猶在。

什麼處。摸索。白浪滔天。何處着。放過。眼裏。裹着。不得無。

處着。果然。沒却。弱。沒坑。隻履西歸。曾失却。祖。福。不。了。累。及。兒。孫。打。

雪竇偏會。下注脚。他是雲門下兒孫。凡一句中。具三句底。鉗鎚向難

道。處道破。向撥不開。處撥開去。他緊要處。頌出。直道鬼馬有角。牛羊

無角。且道鬼馬為什麼有角。牛羊為什麼却無角。若透得前話。始知

雪竇有為人處。有者錯會道。不道便是道。無句是有句。鬼馬無角。却

云有角。牛羊有角。却云無角。且得沒交涉。殊不知古人千變萬化。現

如此神通。只為打破你。這精靈鬼窟。若透得去。不消一箇了字。鬼馬

有角。牛羊無角。絕毫絕釐。如山如嶽。這四句。似摩尼寶珠。一顆相似。

雪竇渾淪地吐在你面前了也。末後皆是據款結案。黃金靈骨。今猶

在白浪滔天。何處着。此頌石霜與大原。字語為什麼無處着。隻履西

歸。曾失却靈龜曳尾。此是雪竇轉身為人處。古人道他參活句。不參

死句。既是失却他。一火為什麼却競頭爭。

垂示云。諸佛不曾出世。亦無一法與人。祖師不曾西來。未嘗以心傳

授。自是時人不了。向外馳求。殊不知自己脚跟下。一段大事。因緣千

聖亦摸索不着。只如今見不見。聞不聞。說不說。知不知。從什麼處得

來。若未能洞達。且向葛藤窟裏會取。試舉看。

舉良禪客問欽山。一簇破三關。時如何。不妨奇特。不。山云。放出

關中主看。勝。面。來。也。也。要。大。家。良云。恁麼則知過必改。已。落。第。二。

頭山云。更待何時。風。行。草。偃。良云。好箭放不着。所在便出。果。然。把。不。

把住云。一簇破三關。即且止。試與欽山發箭看。虎。口。裏。橫。身。逆。水。

良擬議。打。云。可。惜。許。不。着。山打七棒云。且聽這漢疑三十年。合。無。

良禪客也不妨。是一負戰將。向欽山手裏。左盤右轉。墜鞭閃鞵。未後

可惜許。弓折箭盡。雖然如是。李將軍自有嘉聲。在不得封侯。也是閑。這箇公案。一出一入。一擒一縱。當機覲面。提覲面。當機疾。都不落有。無得失。謂之玄機。稍虧些子力量。便有顛蹶。這僧亦是箇英靈。底衲子。致箇問端。不妨驚羣。欽山是作家宗師。便知他問頭落處。鏃者箭鏃也。一箭射透三關時。如何。欽山意道。你射透得。則且置。試放出關中。主看。良云。恁麼則知過必改也。不妨奇特。欽山云。更待何時。看他恁麼。祇對欽山所問。更無些子空缺處。後頭良禪客却道。好箭放不着。所在拂袖便出。欽山纔見他恁麼道。便喚云。且來闍黎。良禪客果然把不住。便回首。欽山擒住云。一鏃破三關。則且止。試與欽山發箭。看良擬議。欽山便打七棒。更隨後與他念一道咒云。且聽這漢疑三。十年如今禪和子。盡道爲什麼。不打八下。又不打六下。只打七下。不然。等他問道。試與欽山發箭。看便打似則也。似是則未。是在這箇公案。須是曾襟裏不懷些子道理計較。超出語言之外。方能有一句下。

破三關。及有放箭處。若存是之與非。卒摸索不着。當時這僧。若是箇漢。欽山也大驗。他既不能行。此令不免倒行。且道關中主。畢竟是什麼人。看雪竇頌云。

與君放出關中主。中退也。當頭。退後。退後。退後。放箭之徒莫莽鹵。大。謂。不。再。活。取。

箇眼兮耳必聾。左。眼。半。斤。右。邊。過。一。着。後。拾。箇。耳。兮。目。雙。瞽。只得入。兩。路。

明箭後路。進。前。則。墮。坑。落。壑。退。後。則。猛。虎。銜。脚。可憐一鏃破三關。全。機。恁。麼。來。時。如。何。的。的。分。

丈夫先天爲心祖。有。一。句。截。流。萬。機。寂。削。鼻。孔。在。我。手。裏。未。玄沙有言兮。是。玄。沙。不。大。

此頌數句。取歸宗頌中語。歸宗昔日因作此頌。號曰歸宗。宗門中謂之宗旨之說。後來同安聞之云。良公善能發箭。要且不解中的。有僧便問如何。得中的。安云。關中主是什麼人。後有僧舉似欽山。山云。良公若恁麼也。未免得欽山曰。雖然如是。同安不是好心。雪竇道。與君放出關中主。開眼也。着合眼也。着有形無形。盡斬爲三段。放箭之徒。

莫莽鹵若善能放箭則不莽鹵若不善放則莽鹵可知取箇眼兮耳必聾捨箇耳兮目雙聾且道取箇眼爲什麼却耳聾捨箇耳爲什麼却雙聾此語無取捨方能透得若有取捨則難見可憐一鏃破三關的的分明箭後路良禪客問一鏃破三關時如何欽山云放出關中主看乃至末後同安公案盡是箭後路畢竟作麼生君不見玄沙有言兮大丈夫先天爲心祖尋常以心爲祖宗極則這裏爲什麼却於天地未生已前猶爲此心之祖若識破這箇時節方識得關中主的分明箭後路若要中的箭後分明有路且道作麼生是箭後路也須是自着精彩始得大丈夫先天爲心祖玄沙常以此語示衆此乃是歸宗有此頌雪竇誤用爲玄沙語如今參學者若以此心爲祖宗參到彌勒佛下生也未會在若是大丈夫漢心猶是兒孫天地未分已是第二頭且道正當恁麼時作麼生是先天地

垂示云未透得已前一似銀山鐵壁及乎透得了自己元來是鐵壁

銀山或有人問且作麼生但向他道若向箇裏露得一機看得一境坐斷要津不通凡聖未爲分外苟或未然看取古人樣子

舉僧問趙州至道無難唯嫌揀擇如何是不揀擇這鐵蒺藜人多

人疑着在州云天上天下唯我獨尊平地上一時穿却金剛鑽鐵券僧

云此猶是揀擇果然隨他轉了州云田庫奴什麼處是揀擇山裂

僧無語放你三十棒直得自曉口咳式夜切音舍

僧問趙州至道無難唯嫌揀擇三祖信心銘劈頭便道這兩句有多少人錯會何故至道本無難亦無不難只是唯嫌揀擇若恁麼會一萬年也未夢見在趙州常以此語問人這僧將此語倒去問他若向語上覓此僧却驚天動地若不在語句上又且如何更參三十年這箇些子關候子須是轉得始解將虎鬚也須是本分手段始得這僧也不顧危亡敢持虎鬚便道此猶是揀擇趙州劈口便塞道田庫奴什麼處是揀擇若問着別底便見脚忙手亂爭奈這老漢是作家向

動不得處動向轉不得處轉你若透得一切惡毒言句乃至千差萬狀世間戲論皆是醍醐上味若到着實處方見趙州赤心片片田庫奴乃福唐人鄉語罵人似無意智相似這僧道此猶是揀擇趙州道田庫奴什麼處是揀擇宗師眼目須至恁麼如金翅鳥摩海直取龍吞雪竇頌云

似海之濶是什麼度量淵源難測也未得一半在如山之固在途人撼得蚊蟲弄空

裏猛風料也有恁麼底果然不自量螻蟻撼於鐵柱同地無異且得沒

揀兮擇兮檐水河頭賣道當軒布鼓似在言前一坑埋却如

雪竇注兩句云似海之濶如山之固僧云此猶是揀擇雪竇道這僧

一似蚊蟲弄空裏猛風螻蟻撼於鐵柱雪竇賞他膽大何故此是上

頭人用底他敢恁麼道趙州亦不放他便云田庫奴什麼處是揀擇

豈不是猛風鐵柱揀兮擇兮當軒布鼓雪竇未後提起教活若識得

明白十分你自將來了也何故不見道欲得親切莫將問來問是故

當軒布鼓

舉僧問趙州至道無難唯嫌揀擇是時人窠窟否兩重公案也是

趙州在莫以已姓人州云曾有人問我直得五年分疎不下如語直

趙州平生不行棒喝用得過於棒喝這僧問得來也甚奇怪若不是

趙州也難答伊蓋趙州是作家只向伊道曾有人問我直得五年分

疎不下問處壁立千仞答處亦不輕他只恁麼會直是當頭若不會

且莫作道理計較不見投子宗道者在雪竇會下作書記雪竇令參

至道無難唯嫌揀擇於此有省一日雪竇問他至道無難唯嫌揀擇

意作麼生宗云畜生畜生後隱居投子凡去住持將袈裟裹草鞋與

經文僧問如何是道者家風宗云袈裟裹草鞋僧云未審意旨如何

宗云赤脚下桐城所以道獻佛不在香多若透得脫去縱奪在我既

是一問一答歷歷現成爲什麼趙州却道分疎不下且道是時人窠窟

否趙州在窠窟裏答他在窠窟外答他須知此事不在言句上或有箇漢徹骨徹髓信得及去如龍得水似虎靠山頌云

象王嘯呻

富貴中之富貴誰人不羨然好箇消息

獅子哮吼

作家中作家百獸無味

之談

相罵一葉舟中載大唐渺渺兀然波浪起誰知別有妙思量

塞斷人口

相唾饒你發水南北東西有麼蒼天蒼天鳥飛兔走自古

自今時活埋

趙州道曾有人問我直得五年分疎不下似象王嘯呻獅子哮吼無

味之談塞斷人口南北東西鳥飛兔走雪竇若無末後句何處更有

雪竇來既是鳥飛兔走且道趙州雪竇山僧畢竟落在什麼處

垂示云該天括地越聖超凡百草頭上指出涅槃妙心于戈叢裏點

定衲僧命脉且道承箇什麼人恩力使得恁麼試舉看

舉僧問趙州至道無難唯嫌揀擇再運前來道什麼纔有語言是揀

擇滿口和尚如何為人老漢因州云何不引盡這語過君子白拈

賊賊僧云某甲只念到這裏兩箇弄泥團漢逢着州云只這至

道無難唯嫌揀擇畢竟出這老漢被他換却眼睛捉敗了也

趙州道只這至道無難唯嫌揀擇如擊石火似閃電光擒縱殺活得

恁麼自在諸方皆謂趙州有逸羣之辯趙州尋常示衆有此一篇云

至道無難唯嫌揀擇繞有語言是揀擇是明白老僧不在明白裏是

汝等還護惜也無時有僧問云既不在明白裏護惜箇什麼州云我

亦不知僧云和尚既不知爲什麼道不在明白裏州云問事既得禮

拜了退後來這僧只拈他罽罽處去問他問得也不妨奇特爭奈只

是心行若是別人奈何他不得爭奈趙州是作家便道何不引盡這

語這僧也會轉身吐氣便道某甲只念到這裏一似安排相似趙州

隨聲拈起便答不須計較古人謂之相續也大難他辨龍蛇別休咎

還他本分作家趙州換却這僧眼睛不犯鋒鏑不着計較自然恰好

你喚作有句也不得喚作無句也不得喚作不有不無句也不得離

四句絕百非。何故若論此事。如擊石火似閃電光。急着眼看方見。若或擬議躊躇。不免喪身失命。雪竇頌云。

水灑不着。鬼號神泣。風吹不入。頭長三尺。知是誰。

行。他家得自在。鬼號神泣。大衆掩耳。草偃風行。頭長三尺。知是誰。

怪底物。何方。聖。相對無言獨足立。魁。縮頭去。放過一着。山。

水灑不着。風吹不入。虎步龍行。鬼號神泣。無你啗啄處。此四句頌趙

州答話。大似龍馳虎驟。這僧只得一場懡羅。非但這僧直得鬼也號

神也泣。風行草偃。相似末後兩句。可謂一子親得。頭長三尺。知是誰

相對無言獨足立。不見僧問古德。如何是佛。古德云。頭長三尺。頸長

二寸。雪竇引用未審。諸人還識麼。山僧也不識。雪竇一時脫體畫却

趙州真箇在裏了也。諸人須子細着眼看。

垂示云。諸佛衆生本來無異。山河自己寧有等差。爲什麼却渾成兩

邊去也。若能撥轉話頭。坐斷要津。放過卽不可。若不放過。盡大地不

消一捏。且作麼生。是撥轉話頭處。試舉看。

舉雲門以拄杖示衆云。人。劍。換。却。你。眼。睛。了。也。拄。杖。子。化。爲。龍。用。

周。遮。用。化。吞。却。乾。坤。了。也。喉。麼。關。黎。向。什。麼。處。安。身。立。命。山。河。大。

地甚處得來。十。方。無。壁。落。四。面。亦。無。門。東。西。

只如雲門道。拄杖子化爲龍。吞却乾坤了也。山河大地甚處得來。若

道有則瞎。若道無則死。還見雲門爲人處麼。還我拄杖子來。如今人

不會他雲門獨露處。却道卽色明心。附物顯理。且如釋迦老子四十

九年說法。不可不知此議論。何故。更用拈花迦葉微笑。這老漢便搽

胡道。吾有正法眼藏。涅槃妙心。分付摩訶大迦葉。更何必單傳心印。

諸人既是祖師門下客。還明得單傳底心麼。胷中若有一物。山河大

地縱然現前。胷中若無一物。外則了無絲毫。說什麼理與智冥境與

神會。何故。一會一切會。一明一切明。長沙道學道之人。不識真。只爲

從前認識神。無量却來生。死本癡人。喚作本來人。忽若打破陰界。身

心一如身外無餘。猶未得一半在。說什麼。即色明心。附物顯理。古人道。一塵纔起。大地全收。且道是那箇。一塵若識得。這一塵。便識得。拄杖子。纔拈起。拄杖子。便見縱橫妙用。恁麼說話。早是葛藤了也。何況更化爲龍。慶藏主云。五千四十八卷。還曾有恁麼說話麼。雲門每向拄杖處。拈掇全機。大用活潑潑地。爲人。芭蕉示衆云。衲僧巴鼻。盡在拄杖頭上。永嘉亦云。不是標形。虛事。禿如來。寶杖親蹤跡。如來昔於然燈佛時。布髮掩泥。以待彼佛。然燈曰。此處當建梵刹。時有一天子。遂標一葦草云。建梵刹。竟諸人。且道這箇消息。從那裏得來。祖師道棒頭取證。喝下承當。且道承當箇什麼。忽有人問。如何是拄杖子。莫是打筋斗麼。莫是撫掌一下麼。總是弄精魂。且喜沒交涉。雪竇頌云。

杖 音馳

拄杖子吞乾坤。道什麼。只用打狗。徒說桃花浪奔。撥開向上。一竅千聖齊。立下風。也不在拈雲擣。

霧處說得千徧萬徧。不知手脚羅籠一徧燒尾者不在拈雲擣霧看也只是一箇乾柴

片曝腮者何必喪膽亡魂。人入氣宇如王。自是你拈了也。謝慈悲。

切聞不聞。不免落草。用直須灑灑落落。大地甚處得來。休更紛紛。大地甚處得來。休更紛紛。

紘紘。頭上。托云放過。則不可。七十二棒且輕起。山僧不曾行此令。

僧一百五十難放君。正令當行。豈可只恁麼了。直饒師驀拈拄杖。

下座。大衆一時走散。雪竇龍頭蛇。音僕曰乾也。通作暴。

雲門委曲爲人。雪竇截徑爲人。所以撥却化爲龍。不消恁麼道。只是拄杖子吞乾坤。雪竇大意。免人情解。更道徒說桃花浪奔。更不必化爲龍也。蓋禹門有三級浪。每至三月。桃花浪漲。魚能逆水而躍。過浪者。卽化爲龍。雪竇道。縱化爲龍。亦是徒說燒尾者。不在拈雲擣霧。魚過禹門。自有天火燒其尾。拈雲擣霧而去。雪竇意道。縱化爲龍。亦不在拈雲擣霧也。曝腮者。何必喪膽亡魂。清涼疏序云。積行菩薩。尚乃曝腮於龍門。大意明華嚴境界。非小德小智之所造詣。獨如魚過龍門。透不過者。點額而回。困於灰水沙磧中。曝其腮也。雪竇意道。既點

額而回。必喪膽亡魂。枯了也。聞不聞。重下注脚。一時與你掃蕩了也。諸人直須灑灑落落去。休更紛紛紜紜。你若更紛紛紜紜。失却拄杖。子了也。七十二棒。且輕想。雪竇爲你捨重從輕。古人道。七十二棒。翻成一百五十。如今人錯會。却只算數目。合是七十五棒。爲什麼。却只七十二棒。殊不知。古人意在言外。所以道。此事不在言句中。免後人去穿鑿。雪竇所以引用。直饒真箇灑灑落落。正好與你七十二棒。猶是輕恕。直饒總不如此。一百五十難放。君一時煩了也。却更拈拄杖。重重相爲。雖然恁麼也。無一箇皮下有血。

佛果園悟禪師碧巖錄卷第六

峒中書隱鼎刊園悟碧巖錄幸已說事四方禪友或收得祖庭事苑萬善同歸錄及禪宗文字世罕刊本者幸乞見木當爲繡梓以廣禪學此示方便接引之一端也告每舍玉幸甚稟白

佛果園悟禪師碧巖錄卷第七

垂示云。建法幢立宗旨。還他本分宗師。定龍蛇別緇素。須是作家知識。劔刃上論殺活。棒頭上別機宜。則且置。且道。獨據寮中事。一句作麼生。商量試舉看。

舉風穴垂語云。興。纏。主。致。兩。也。若立一塵。我。爲。法。王。於。法。自。家。國。興。

盛。不是他。犀。裏。事。不立一塵。掃。蹤。滅。跡。失。却。眼。家。國。喪。亡。一。切。處。光。明。用。

雪竇拈拄杖云。是。他。家。事。犀。裏。事。雪。竇。拈。拄。杖。云。始。得。達。磨。來。也。還。有。同。生。同。死。底。兩。僧。麼。

只如風穴示衆云。若立一塵。家國興盛。不立一塵。家國喪亡。且道。立

一塵。即是不立一塵。即是到這裏。須是大用現前。始得。所以道。設使言前薦得。猶是滯殼迷封。直饒句下精通。未免觸途狂見。他是臨濟下尊宿。直下用本分草料。若立一塵。家國興盛。野老顰蹙。意在立國安邦。須藉謀臣。猛將。然後麒麟出鳳凰。翔乃太平之祥瑞也。他三家村

裏人爭知有恁麼事。不立一塵。家國喪亡。風颯颯地。野老為什麼出來謳歌。只為家國喪亡。洞下謂之轉變處。更無佛無衆生。無是非。無好無惡。絕音響蹤跡。所以道金屑雖貴。落眼成瞖。又云金屑眼中。瞖衣珠法上塵。已靈猶不重。佛祖是何人。七穿八穴。神通妙用。不為奇特。到箇裏。衲被蒙頭。萬事休。此時山僧都不會。若更說心說性。說玄說妙。都用不着。何故他家自有神仙境。南泉示衆云。黃梅七百高僧。盡是會佛法底人。不得他衣鉢。唯有盧行者。不會佛法。所以得他衣鉢。又云。三世諸佛。不知有狸奴白牯。却知有野老。或擗蹙。或謳歌。且道作麼生會。且道他具什麼眼。却恁麼須知。野老門前。別有條章。雪竇雙提了。却拈拄杖云。還有同生同死底。衲僧麼。當時若有箇漢出來。道得一句。互為賓主。免得雪竇這老漢。後面自點胷。

野老從教不展眉。三千外有箇人。且圖家國立雄基。太平一曲行即行。要住即住。盡乾坤大。地是箇解脫門。你作麼生立。謀臣猛將今何在。有麼。土曠人稀。相逢者少。且莫

點。萬里清風只自知。旁若無人。教誰掃地。也是雲。居羅漢。

適來雙提了也。這裏却只拈一邊。放一邊。裁長補短。捨重從輕。所以道野老從教不展眉。我且圖家國立雄基。謀臣猛將今何在。雪竇拈拄杖云。還有同生同死底。衲僧麼。一似道。還有謀臣猛將麼。一口吞却一切人了也。所以道。土曠人稀。相逢者少。還有相知者麼。出來一坑埋却。萬里清風只自知。便是雪竇點胷處也。

垂示云。以無師智。發無作妙用。以無緣慈。作不請勝友。向一句下有殺有活。於一機中有縱有擒。且道什麼人曾恁麼來。試舉看。

舉雲門示衆云。乾坤之內。合。收不得。不宇宙之間。活。計。蹉過了也。中有一寶。在。什麼處。光生也。祕在形山。拈燈籠向佛殿裏。猶可。將三門來。燈籠上。雲門大師是。即是不妨。請說。猶較些。雲門道。乾坤之內。宇宙之間。中有一寶。祕在形山。且道雲門意在釣竿頭。意在燈籠上。此乃肇法師寶藏論數句。雲門拈來示衆。肇公時

於後秦逍遙園造論寫維摩經方知莊老未盡其妙肇乃禮羅什爲師又參瓦棺寺跋陀婆羅菩薩從西天二十七祖處傳心印來肇深造其堂與肇一日遭難臨刑之時乞七日假造寶藏論雲門便拈論中四句示衆大意云如何以無價之寶隱在陰界之中論中語言皆與宗門說話相符合不見鏡清問曹山清虛之理畢竟無身時如何山云理卽如是事作麼生清云如理如事山云瞞曹山一人卽得爭柰諸聖眼何清云若無諸聖眼爭知不恁麼山云官不容針私通車馬所以道乾坤之內宇宙之間中有一寶秘在形山大意明人人具足箇箇圓成雲門便拈來示衆已是十分現成不可更似座主相似與你注解去他慈悲更與你下注脚道拈燈籠向佛殿裏將三門來燈籠上且道雲門恁麼道意作麼生不見古人云無明實性卽佛性幻化空身卽法身又云卽凡心而見佛心形山卽是四大五蘊也中有一寶秘在形山所以道諸佛在心頭迷人向外求內懷無價寶不

識一生休又道佛性堂堂顯現住相有情難見若悟衆生無我我面何殊佛面心是本來心面是娘生面劫石可移動箇中無改變有者只認箇昭昭靈靈爲寶只是不得其用亦不得其妙所以動轉不得開撥不行古人道窮則變變則通拈燈籠向佛殿裏若是常情可測度得將三門來燈籠上還測度得麼雲門與你一時打破情識意想得失是非了也雪竇道我愛韶陽新定機一生與人抽釘拔楔又云曲水據位知幾何利刃剪却令人愛他道拈燈籠向佛殿裏這一句已截斷了也又將三門來燈籠上若論此事如擊石火似閃電光雲門道汝若相當去且覓箇入路微塵諸佛在你脚跟下三藏聖教在你舌頭上不如悟去好和尚子莫妄想天是天地是地山是山水是水僧是僧俗是俗良久云與我拈面前按山來看便有僧出問云學人見山是山水是水時如何門云三門爲什麼從這裏過恐你死却遂以手劃一劃云識得時是醍醐上味若識不得反爲毒藥也所以

道了了時無可了玄玄處直須呵雪竇又拈云乾坤之內宇宙之間中有一寶秘在形山掛在壁上達磨九年不敢正眼覷着而今衲僧要見劈脊便棒看佗本分宗師終不將實法繫綴人玄沙云羅籠不肯任呼喚不回頭雖然恁麼也是靈龜曳尾雪竇頌云

看看高着眼用看珠古岸何人把釣竿孤危甚孤危壁立甚壁立

興祥雲冉冉打斷始得百匝千重水漫漫左之右之明月蘆花君自

看看者則暗若識得雲門

若識得雲門語便見雪竇為人處他向雲門示衆後面兩句便與你下箇注脚云看看你便作瞠眉瞠眼會且得沒交涉古人道靈光獨耀迥脫根塵體露真常不拘文字心性無染本自圓成但離妄緣即如如佛若只向瞠眉努眼處坐殺豈能脫得根塵雪竇道看看雲門如在古岸把釣竿相似雲又冉冉水又漫漫明月映蘆花蘆花映明月正當恁麼時且道是何境界若便直下見得前後只是一句相似

抽庚切直視也

垂示云意路不到正好提撕言詮不及宜急着眼若也電轉星飛便可傾湫倒嶽衆中莫有辨得底麼試舉看

舉南泉一日東西兩堂爭貓兒不是今日合關南泉見遂提起云

道得即不斬正令當行十方坐斷衆無對可惜放過一隊深和

宗師家看他一動一靜一出一入且道意旨如何這斬貓兒話天下

叢林商量浩浩地有者道提起處便是有底道在斬處且得都沒交

涉他若不提起時亦匝匝地作盡道理殊不知他古人有定乾坤底

眼有定乾坤底劍你且道畢竟是誰斬貓兒只如南泉提起云道得

即不斬當時忽有人道得且道南泉斬不斬所以道正令當行十方

坐斷出頭天外看誰是箇中人其實當時元不斬此話亦不在斬與

不斬處此事軒知如此分明不在情塵意見上討若向情塵意見上

討則辜負南泉去。但向當鋒劍刃上看。是有也得。無也得。不有不無。也得。所以古人道。窮則變。變則通。而今人不解變通。只管向語句上走。南泉恁麼提起。不可教人合下得甚語。只要教人自薦。各各自用。自知若不恁麼會。卒摸索不着。雪竇當頭頌云。

兩堂俱是杜禪和。

道親出親口。一。句撥動煙塵。不奈何。看。你作。什。麼。折。合。現。

成公案也。賴得南泉能舉令。子。好。箇。金。剛。王。寶。劍。用。切。泥。去。也。

一。刀。兩。段。任。偏。頗。作。什。麼。不。可。放。過。也。便。打。他。普。示。切。偏。也。音。坡。

兩堂俱是杜禪和。雪竇不向句下。亦不認驢前馬後。有撥轉處。便道撥動煙塵。不奈何。雪竇與南泉把手共行。一句說了也。兩堂首座沒歇頭處。到處只管撥動煙塵。奈何不得。賴得南泉與他斷這公案。收得淨盡。他爭奈前不構村。後不迭店。所以道。賴得南泉能舉令。一。刀。兩。段。任。偏。頗。直。下。一。刀。兩。段。更。不。管。有。偏。頗。且。道。南。泉。據。什。麼。令。舉。南。泉。復。舉。前。話。問。趙。州。始。得。同。道。者。方。知。州。便。脫。草。鞋。於。頭。上。

戴出

泥。帶。水。南。泉。云。子。若。在。恰。救。得。貓。兒。唱。拍。相。隨。知。音。者。少。將。錯。就。錯。

趙州乃南泉的子。道頭會尾。舉着便知落處。南泉晚間復舉前話問趙州。州是老作家。便脫草鞋於頭上。戴出。泉云。子若在却。救得貓兒。且道真箇恁麼不恁麼。南泉云。道得即不斬。如擊石火。似閃電光。趙州便脫草鞋於頭上。戴出。佗參活句。不參。歎。句。日。日。新。時。時。新。千。聖。移。易。一。絲。毫。不。得。須。是。運。出。自。己。家。珍。方。見。他。全。機。大。用。他。道。我。為。法。王。於。法。自。在。人。多。錯。會。道。趙。州。權。將。草。鞋。作。貓。兒。有。者。道。待。他。云。道。得。即。不。斬。便。戴。草。鞋。出。去。自。是。你。斬。貓。兒。不。干。我。事。且。得。沒。交。涉。只。是。弄。精。覓。殊。不。知。古。人。意。如。天。普。蓋。似。地。普。擎。他。父。子。相。投。機。鋒。相。合。那。箇。舉。頭。他。便。會。尾。如。今。學。者。不。識。古。人。轉。處。空。去。意。路。上。卜。度。若。要。見。但。去。他。南。泉。趙。州。轉。處。便。見。好。頌。云。

公案圓來問趙州。

言。猶。在。耳。不。消。更。斬。長。安。城。裏。任。閑。遊。得。任。麼。

恁。麼。自。在。信。手。拈。來。草。鞋。頭。戴。無。人。會。家。風。明。頭。也。合。暗。頭。也。不。可。不。教。你。恁。麼。去。也。

合歸到家山即便休脚跟下好與三十棒且道過在什麼處只為

奇太

公案圓來問趙州慶藏主道知人結案相似八棒是八棒十三是十三已斷了也却拈來問趙州州是他屋裏人會南泉意旨他是透徹底人望着磕着便轉具本分作家眼腦纔聞舉着剔起便行雪竇道長安城裏任閑遊漏逗不少古人道長安雖樂不是久居又云長安甚開我國晏然也須是識機宜別休咎始得草鞋頭戴無人會戴草鞋處這些子雖無許多事所以道唯我能知唯我能證方見得南泉趙州雪竇同得同用處且道而今作麼生會歸到家山即便休什麼處是家山他若不會必不恁麼道他既會且道家山在什麼處便打垂示云無相而形充十虛而方廣無心而應徧利海而不煩舉一明三目機鋒兩直得棒如雨點喝似雷奔也未當得向上人行履在且道作麼生是向上人事試看

舉外道問佛不問有言不問無言雖然如是屋裏人也有些子世尊良久者莫謗世尊其聲如雷坐外道讚歎云世尊太慈大悲開我

迷雲令我得入轉盤裏明珠便外道去後阿難問佛外道有何所

證而言得入不妨令人疑着也要佛云如世良馬見鞭影而行且

此事若在言句上三乘十二分教豈是無言句或道無言便是又何

消祖師西來作什麼只如從上來許多公案畢竟如何見其下落這

一則公案話會者不少有底喚作良久有底喚作據坐有底喚作默

然不對且喜沒交涉幾曾摸索得着來此事其實不在言句上亦不

離言句中若稍有擬議則千里萬里去也看他外道省悟後方知亦

不在此亦不在彼亦不在是亦不在不是且道是箇什麼天衣懷和

尚頌云維摩不默不良久據坐商量成過咎吹毛匣裏冷光寒外道

天魔皆拱手百丈常和尚參法眼眼令看此話法眼一日問你看什

麼

答

曰

曰

麼因緣常云外道問佛話眼云你試舉看常擬開口眼云任任你擬
 向良久處會那常於言下忽然大悟後示衆云百丈有三訣喫茶珍
 重歇擬議更思量知君猶未徹翠巖真點肩拈云六合九有青黃赤
 白一一交羅外道會四維陀典論自云我是一切智人在處索人論
 議他致問端要坐斷釋迦老子舌頭世尊不費纖毫氣力他便省去
 讚歎云世尊大慈大悲開我迷雲令我得入且道作麼生是大慈大
 悲處世尊隻眼通三世外道雙眸貫五天瀉山真如拈云外道懷藏
 至寶世尊親爲高提森羅顯現萬象歷然且畢竟外道悟箇什麼如
 趁狗逼牆至極則無路處他須回來便乃活鱖鱖地若計較是非一
 時放下情盡見除自然徹底分明外道去後阿難問佛云外道有何
 所證而言得入佛云如世良馬見鞭影而行後來諸方便道又被風
 吹別調中又云龍頭蛇尾什麼處是世尊鞭影什麼處是見鞭影處
 雪竇云邪正不分過由鞭影真如云阿難金鐘再擊四衆共聞雖然

如是大似二龍爭珠長他智者威憐雪竇頌云

機輪會未轉在這裏果然轉必兩頭走不落有必落無不東則明

鏡忽臨臺轉破也破也當分妍醜脫門好與三

塵埃退後因思良馬窺鞭影我且道什麼處是鞭影

是良馬處千里追風喚得回喚得回鳴是良馬處

機輪會未轉轉必兩頭走機乃千聖靈機輪是從本已來諸人命脉

不見古人道千聖靈機不易親龍生龍子莫因循趙州奪得連城壁

秦主相如總喪身外道却是把得住作得主未嘗動着何故他道不

問有言不問無言豈不是全機處世尊會看風使帆應病與藥所以

良久全機提起外道全體會去機輪便阿轆轤地轉亦不轉向有亦

不轉向無不落得失不拘凡聖二邊一時坐斷世尊纔良久他便禮

拜如今人多落在無不然落在有只管在有無處兩頭走雪竇道明
 鏡忽臨臺當下分妍醜這箇不會動着只消箇良久如明鏡臨臺相
 似萬象不能逃其形質外道云世尊大慈大悲開我迷雲令我得入
 且道是什麼處是外道入處到這裏須是箇箇自參自究自悟自會
 始得便於一切處行住坐卧不問高低一時現成更不移易一絲毫
 纔作計較有一絲毫道理即礙塞殺人更無入作分也後面頌世尊
 大慈大悲開我迷雲令我得入當下忽然分妍醜妍醜分兮迷雲開
 慈門何處生塵埃盡大地是世尊大慈大悲門戶你若透得不消一
 捏此亦是放開底門戶不見世尊於三七日中思惟如是事我寧不
 說法疾入於涅槃因思良馬窺鞭影千里追風喚得回追風之馬見
 鞭影而便過千里教回即回雪竇意賞他道若得俊流方可一撥便
 轉一喚便回若喚得回便鳴指三下且道是點破是撒沙
 垂示云當機觀面提陷虎之機正按傍提布擒賊之略明合暗合雙

放雙收解弄灰蛇還佗作者

舉巖頭問僧什麼處來未開口時納敗缺了也僧云西京來果然

小箇頭云黃巢過後還收得劍麼平生不會做草賊不懼僧云收

得敗也未識轉身處巖頭引頸近前云因也須識機宜始得僧

云師頭落也只見巖頭利不見擊着也巖頭呵呵大笑盡天下僧不

人尋這老漢頭落處不得僧後到雪峰依前顛頂樣懂這僧峰問什麼處來不

也不說來處僧云巖頭來果然納峰云有何言句舉得不僧舉前話

趕出雪峰打三十棒趕出雖然斬釘截鐵因甚只打三十棒杖

三千棒打八百若非是同參爭辨端的

大凡挑囊負鉢撥草瞻風也須是具行脚眼始得這僧眼似流星也
 被巖頭勘破了一串穿却當時若是箇漢或殺或活舉着便用這僧
 迂郎當却道收得似恁麼行脚闍羅老子問你索飯錢在知他踏破
 多少草鞋直到雪峯當時若有些子眼筋便解瞥地去豈不快哉這

箇因緣有節角誦訛處。此事雖然無得失。得失甚大。雖然無揀擇。到這裏却要具眼揀擇。看他龍牙行脚時。致箇問端。問德山。學人仗鎧。鎧擬取師頭時。如何。德山引頸近前云。囚龍牙云。師頭落也。山便歸方丈。牙後舉似洞山。洞山云。德山當時道什麼。牙云。他無語。洞山云。佗無語。則且置。借我德山落底頭來看。牙於言下大悟。遂焚香。遙望德山。禮拜懺悔。有僧傳到德山處。德山云。洞山老漢。不識好惡。這漢。死來多少時也。救得有什麼用處。這箇公案。與龍牙底一般。德山歸方丈。則暗中最妙。巖頭大笑。他笑中有毒。若有人辨得。天下橫行。這僧當時若辨得出。千古之下。免得檢責於巖頭門下。已是一場蹉過。看他雪峯老人是同參。便知落處。也不與他說破。只打三十棒。趕出院。可以光前絕後。這箇是拈作家禪。僧鼻孔為人底手段。更不與他知之。若何教他自悟去。本分宗師。為人有時籠罩。不教伊出頭。有時放令。死即當地。却須有出身處。大小大巖頭。雪峯到。被箇喫飯禪。

和勘破。只如巖頭道。黃巢過後。還收得劍麼。諸人且道。這裏台下得什麼語。免得他笑。又免得雪峯行棒。趕出這裏。誦訛。若不曾親證。親悟。縱使口頭快利。至究竟透脫。生死不得。山僧尋常教人。覷這機關。轉處若擬議。則遠之遠矣。不見投子問鹽平僧云。黃巢過後。收得劍麼。僧以手指地。投子云。三十年弄馬騎。今日却被驢子撲。看這僧也。不妨是箇作家。也不道收得也。不道收不得。與西京僧如隔海。在真如拈云。他古人一箇做頭。一箇做尾。定也。雪竇頌云。

黃巢過後會收劍。孟八郎漢有什麼用。大笑還應作者知。得能有一親。

幾箇不是渠。農爭得自由。三十山藤且輕恕。同條生同條死。朝三千暮八百。東家。

得便宜是落便宜。據款結案。悔不。慎。

黃巢過後會收劍。大笑還應作者知。雪竇便頌這僧與巖頭大笑處。這箇些子。天下人摸索不着。且道他笑箇什麼。須是作家方知。這笑中有權有實。有照有用。有殺有活。三十山藤且輕恕。頌這僧後到雪

峰面前這僧依舊莽鹵峰便據令而行打三十棒趕出且道爲什麼却如此你要盡情會這話麼得便宜是落便宜

舉梁武帝請傳大士講金剛經達磨見弟來也。魚行酒肆即不無。這老漢老老不無。

武帝愕然也。兩回三度被人騙。志公問陛下還會麼。真理不向外事。好。

與三帝云不會許。志公云大士講經竟。也。須逐世國始得。當時。

始是作家。兩箇。漢同坑無異土。

梁高祖武帝蕭氏諱衍字叔達立功業以至受齊禪即位後別註五

經講議奉黃老甚篤而性至孝一日思得出世之法以報劬勞於是

捨道事佛迺受菩薩戒於婁約法師處披佛袈裟自講放光般若經

以報父母時誌公大士以顯異惑衆鑿於獄中誌公乃分身遊化城

邑帝一日知之感悟極推重之誌公數行遮護隱顯速不可測時婺

州有大士者居雲黃山手栽二樹謂之雙林自稱當來善慧大士一

日修書命弟子上表聞於帝時朝廷以其無君臣之禮不受傳大士

將入金陵城中賣魚時武帝或請誌公講金剛經誌公曰貧道不能

講市中有傳大士者能講此經帝下詔召之入禁中傳大士既至於

講座上揮案一下便下座當時便與推轉免見一場狼籍却被誌公

云陛下還會麼帝云不會誌公云大士講經竟也是一人作頭一人

作尾誌公恁麼道還夢見傳大士麼一等是弄精魂這箇就中奇特

雖是死蛇解弄也活既是講經爲甚却不大分爲二一如尋常座主

道金剛之體堅固物物不能壞利用故能摧萬物如此講說方喚作

講經雖然如是諸人殊不知傳大士只拈向上關捩子畧露鋒鋷教

人知落處直截與你壁立萬仞恰好被誌公不識好惡却云大士講

經竟正是好心不得好報如美酒一盞却被誌公以水攪過如一釜

羹被誌公將一顆鼠糞污了且道既不是講經畢竟喚作什麼頌云

不向雙林寄此身只爲他把不住。却於梁土惹埃塵。若不入草爭。

風流也當時不得誌公老作賊不須本有也是栖栖去國人正好

不向雙林寄此身却於梁土惹埃塵傳大士與沒板齒老漢一般相逢達磨初到金陵見武帝帝問如何是聖諦第一義磨云廓然無聖帝云對朕者誰磨云不識帝不契遂渡江至魏武帝舉問誌公公云陛下還識此人否帝云不識誌公云此是觀音大士傳佛心印帝悔遂遣使去取誌公云莫道陛下發使去取合國人去他亦不回所以雪竇道當時不得誌公老也是栖栖去國人當時若不是誌公為傳大士出氣也須是趕出國去誌公既饒舌武帝却被他熱瞞一上雪竇大意道不須他來梁土講經揮案所以道何不向雙林寄此身喫粥喫飯隨分過時却來梁土恁麼指注揮案一下便下座便是他惹埃塵處既是要殊勝則日視雲霄上不見有佛下不見有衆生若論出世邊事不免灰頭土面將無作有將有作無將是作非將麈作細

魚行酒肆橫拈倒用教一切人明此箇事若不恁麼放行直到彌勒下生也無一箇半箇傳大士既是拖泥帶水賴是有知音若不得誌公老幾乎趕出國了且道即今在什麼處

垂示云掀天闢翻地軸擒虎兇辨龍蛇須是箇活鱖鱖漢始得句句相投機機相應且從上來什麼人合恁麼請舉看

舉仰山問三聖汝名什麼名實相棄聖云惠寂坐斷舌頭仰山云惠寂是我各自守聖云我名惠然開市裏奪去仰山呵呵大笑可謂是箇時節錦上鋪花天下人不知落處何故土曠人稀相逢者少一似巖頭笑又非巖頭笑一等是笑為什麼却作兩段且眼當看

三聖是臨濟下尊宿少具出羣作略有大有大機有大用在衆中昂昂藏藏名聞諸方後辭臨濟徧遊淮海到處叢林皆以高賓待之自向北至南方先造雪峰便問透網金鱗未審以何為食峰云待汝出網來即向汝道聖云一千五百人善知識話頭也不識峰云老僧住持事

繁峰往寺莊路逢獼猴乃云這獼猴各各佩一面古鏡聖云歷劫無名何以彰為古鏡峰云瑕生也聖云一千五百人善知識話頭也不識峰云罪過老僧住持事繁後至仰山山極愛其俊利待之於明窓下一日有官人來參仰山山問官居何位云推官山豎起拂子云還推得這箇麼官人無語衆人下語俱不契仰山意時三聖病在延壽堂仰山令侍者持此語問之聖云和尚有事也再令侍者問未審有什麼事聖云再犯不容仰山深肯之百丈當時以禪板蒲團付黃檗拄杖拂子付為山為山後付仰山仰山既大肯三聖聖一日辭去仰山以拄杖拂子付三聖聖云某甲已有師仰山詰其由乃臨濟的子弟也只知仰山問三聖汝名什麼他不可不知其名何故更恁麼問所以作家要驗人得知子細只似等閑問云汝名什麼更道無計較何故三聖不云惠然却道惠寂看佗具眼漢自然不同三聖恁麼又不

是頭一向攙旗奪鼓意在仰山語外此語不墮常情難為摸索這般漢手段却活得人所以道佗參活句不參死句若順常情則歇人不得看佗古人念道如此用盡精神始能大悟既悟了用時還同未悟時人相似隨分一言半句不得落常情三聖知佗仰山落處便向佗道我名惠寂仰山要收三聖三聖倒收仰山仰山只得就身打劫道惠寂是我是放行處三聖云我名惠然亦是放行所以雪竇後面頌云雙收雙放若為宗只一句內一時頌了仰山呵呵大笑也有權有實也有照有用為佗八面玲瓏所以用處得大自在這箇笑與巖頭笑不同巖頭笑有毒藥這箇笑千古萬古清風凜凜地雪竇頌云雙收雙放若為宗將知他有人八面玲瓏騎虎由來要絕功是若門上有眼肘臂下有符爭得到這裏騎則不知何處去是若妨只恐你下不得不是恁麼人爭明恁麼事笑罷不知何處去是若百軍州真恁麼人也難得言只應千古動悲風是若猶在耳千古萬古有清風是若地動悲風是若地黑漫漫是若

雙收雙放若為宗放行互為賓主仰山云汝名什麼聖云我名惠寂

是雙放仰山云。惠寂是我。聖云。我名惠。然是雙收。其實是互換之機。收則大家收。放則大家放。雪竇一時頌盡了也。佗意道。若不收。若不互換。你是你。我是我。都來只四箇字。因甚却於裏頭。出沒卷舒。古人道。你若立。我便坐。你若坐。我便立。若也同坐。同立。二俱瞎漢。此是雙收。雙放。可以為宗。要騎虎。由來要絕功。有如此之高風。最上之機。要騎便騎。要下便下。據虎頭。亦得收。虎尾。亦得三聖仰山。二俱有此之風。笑罷。不知何處去。且道。佗笑箇什麼。直得清風凜凜。為什麼。末後却道。只應千古動悲風。也是歿而不弔。一時與你注解了也。爭奈天下人。啗啄不入。不知落處。縱是山僧。也不知落處。諸人還知麼。垂示云。無啗啄處。祖師心印。狀似鐵牛之機。透荆棘林。衲僧家。如紅爐上一點雪。平地上。七穿八穴。則且止。不落寅緣。又作麼生。試舉看。

舉南泉歸宗。麻谷同去。禮拜忠國師。至中路。有三人同行。必有我師。的。南泉於地上畫一圓相。云。道得即去。陸沉。船若不驗。過爭辨。端。

的歸宗於圓相中坐。同道人打。羅麻谷便作女人拜。三箇人打。泉云。 恁麼則不去也。半路抽身。是好。人好。歸宗云。是什麼心行。破。當時

當時馬祖盛化於江西。石頭道行於湖湘。忠國師道化於長安。他親見六祖。來是時南方。擎頭帶角者。無有不欲拜。其堂入其室。若不爾。為人所耻。這老漢三箇欲去。禮拜忠國師。至中路。做這一場。敗跌南泉云。恁麼則不去也。既是一一道得。為什麼。知道不去。且道。古人意作麼生。當時待他道。恁麼則不去也。劈耳便掌。看他作什麼。伎倆。萬古振綱宗。只是這些子。機要。所以慈明道。要牽只在索頭邊。撥着點着。便轉如水上。捺葫蘆子。相似。人多喚作不相肯語。殊不知此事。到極則處。須離離水。拔楔抽釘。你若作心行會。則沒交涉。古人轉變得好。到這裏。不得不恁麼。須是有殺有活。看他一人去。圓相中坐。一人作女人拜也。甚好。南泉云。恁麼則不去也。歸宗云。是什麼心行。孟

八郎漢又恁麼去也他恁麼道大意要驗南泉南泉尋常道喚作如
知早是變了也南泉歸宗麻谷却是一家裏人一擒一縱一殺一活
不妨奇特雪竇頌云

由基箭射猿

當頭一路誰敢向前透樹何太直若不承當爭敢恁

千箇與萬箇

誰似栗野狐精是誰會中的箇更沒

相呼相喚

隊弄泥團漢不知曹溪路上休登

陞

大勞生相料不是曹溪門下客復云曹溪路坦平為什麼休

登陞

身不唯南泉半路抽身雪竇亦乃半路抽

由基箭射猿透樹何太直由基乃是楚時人姓養名叔字由基時楚
莊王出獵見一白猿使人射之其猿捉箭而戲勅羣臣射之莫有中
者王遂問羣臣羣臣奏曰由基者善射遂令射之由基方彎弓猿乃
抱樹悲號至箭發時猿透樹避之其箭亦透樹中殺此乃神箭也雪
竇何故却言太直若是太直則不中既是透樹何故却云太直雪竇

借其意不妨用得此好事出春秋有者道透樹是圓相若真箇如此
蓋不識語之宗旨不知太直處三箇老漢殊途而同歸一揆一齊太
直若是識得他去處七縱八橫不離方寸百川異流同歸大海所以
南泉道恁麼則不去也若是衲僧正眼覷着只是弄精魂若喚作弄
精魂却不是弄精魂五祖先師道他三人是慧炬三昧莊嚴王三昧
雖然如此作女人拜他終不作女人拜會雖畫圓相他終不作圓相
會既不恁麼會又作麼生會雪竇道千箇與萬箇是誰會中的能有
幾箇百發百中相呼相喚歸去來頌南泉道恁麼則不去也南泉從
此不去故云曹溪路上休登陞滅却荆棘林雲竇把不定復云曹溪
路坦平為什麼休登陞曹溪路絕塵絕迹露髌髌赤灑灑平坦坦儵
然地為什麼却休登陞各自看脚下
垂示云快人一言快馬一鞭萬年一念一念萬年要知直截未舉已
前且道未舉已前作麼生摸索請舉看

聖舉瀉山五峯雲巖同侍立百丈阿西素終始請訛君百丈問瀉山

併却咽喉唇吻作麼生道難求瀉山云却請和尚道借路夫云我

不辭向汝道恐已後喪我兒孫不免老婆心就身打劫

瀉山五峯雲巖同侍立百丈百丈問瀉山併却咽喉唇吻作麼生道

山云却請和尚道夫云我不辭向汝道恐已後喪我兒孫百丈雖然

如此鍋子已被別人奪去了也夫復問五峯峯云和尚也須併却夫

云無人處研額望汝又問雲巖巖云和尚有也未夫云喪我兒孫三

人各是一家古人道平地上眾人無數過得荆棘林者是好手所以

宗師家以荆棘林驗人何故若於常情句下驗人不得衲僧家須是

句裏呈機言中辨的若是擔板漢多向句中死却便道併却咽喉唇

吻更無下口處若是變通底人有逆水之波只向問頭上有一條路

不傷鋒犯手瀉山云却請和尚道且道他意作麼生向箇裏如擊石

火似閃電光相似授他問處便答自有出身之路不費纖毫氣力所

以道他參活句不參死句百丈却不承他只云不辭向汝道恐已後

喪我兒孫大凡宗師為人抽釘拔楔若是如今人便道此答不肯他

不領話殊不知箇裏一路生機處壁立千仞賓主互換活鱗鱗地雪

竇愛他此語風措宛轉自在又能把定封疆所以頌云

却請和尚道是蓋乾地已虎頭生角出荒草不妨奇特十洲春盡

花凋殘觸處清涼讚珊瑚樹林日杲杲千重百匝爭奈百草頭上

此三人答處各各不同也有壁立千仞也有照用同時也有自救不

了却請和尚道雪竇便向此一句中呈機了也更就中輕輕授令人

易見云虎頭生角出荒草瀉山答處一似猛虎頭上安角有什麼近

傍處不見僧問羅山同生不同死時如何山云如牛無角僧云同生

亦同死時如何山云如虎戴角雪竇只一句頌了也佗有轉變餘才

更云十洲春盡花凋殘海上有三山十洲以百年為一春雪竇語帶

風措宛轉盤礴春盡之際百千萬株花一時凋殘獨有珊瑚樹林不

解涸落與太陽相奪其光交映正當恁麼時不妨奇特雪竇用此明
 佗却請和尚道十洲皆海外諸國之所附一祖洲出反菟香二瀛洲
 生芝草玉石泉如酒味三玄洲出僊藥服之長生四長洲出木瓜玉
 英五炎洲出火浣布六元洲出靈泉如蜜七生洲有山川無寒暑八
 鳳麟洲人取鳳喙鱗角煎續弦膠九聚窟洲出獅子銅頭鐵額之獸
 十檀洲洲出琨吾石作劍切玉如泥珊瑚外國雜傳云大秦西南
 漲海中可七八百里到珊瑚洲洲底盤石珊瑚生其石上人以鐵網
 取之又十洲記云珊瑚生南海底如樹高三二尺有枝無皮似玉而
 紅潤感月而生凡枝頭皆有月暈 此一則與八卷首公案同看

佛果園悟禪師碧巖錄卷第七

佛果園悟禪師碧巖錄卷第八

十一舉百丈復問五峰併却咽喉唇吻作麼生道阿呵阿新羅國峰云和尚
 也須併却攙旗奪鼓一句文云無人處斫額望汝土贖人稀相逢者少

此一則與七卷末公案同看

瀉山把定封疆五峯截斷衆流這些子要是箇漢當面提掇如馬前
 相撲不容擬議直下使用緊迅危峭不似瀉山盤礴滔滔地如今禪
 和子只向架下行不能出他一頭地所以道欲得親切莫將問來問
 五峯答處當頭坐斷不妨快俊百丈云無人處斫額望汝且道是肯
 他是不肯他是殺是活見他阿轆轤地只與他一點雪竇頌云

和尚也併却已在言前了龍蛇陣上看謀略須是金牙始解七令
 人長憶李將軍妙手無多子正馬單鎗萬里天邊飛一鶚大衆見

打落在什麼處中也

和尚也併却雪竇於一句中撥一撥云龍蛇陣上看謀略如排兩陣

突出突入七縱八橫有鬪將底手脚有大謀略底人足馬單鎗向龍蛇陣上出沒自在你作麼生圍繞得他若不是這箇人爭知有如此謀略雪竇此三頌皆就裏頭狀出底語如此大似李廣神箭萬里天邊飛一鶚一箭落一鶚定也更不放過雪竇頌百丈問處如一鶚五峯答處如一箭相似山僧只管讚難五峯不覺渾身入泥水了也

聖舉百丈又問雲巖併却咽喉唇吻作麼生道蝦蟇窟裏出巖云和巖尚有也未前不構村後不送店丈云喪我兒孫灼然有此答

雲巖在百丈二十年作侍者後同道吾至藥山山問云子在百丈會下為箇什麼事巖云透脫生死山云還透脫也未巖云渠無生死山云二十年在百丈習氣也未除巖辭去見南泉後復歸藥山方契悟看他古人二十年參究猶自半青半黃粘皮着骨不能顛脫是則也是只是前不構村後不送店不見道語不離窠臼焉能出蓋纏白雲

巖云白迷却幾人源洞下謂之觸破故云躍開山仗鳳凰樓時人嫌

觸當今號所以道荆棘林須是透過始得若不透過終始涉廉纖斬不斷適來道前不構村後不送店雲巖只管去點檢他人底百丈見他如此一時把來打殺了也雪竇頌云

和尚有也未浪和泥合水金毛獅子不踞地灼然有什麼兩兩

三三舊路行併却咽喉唇吻大雄山下空彈指更不

再活可悲可痛 天中更添怨苦

和尚有也未雪竇據欵結案是則是只是金毛獅子爭奈不踞地獅子捉物藏牙伏爪踞地返擲物無大小皆以全威要全其功雲巖云和尚有也未只是向舊路上行所以雪竇云百丈向大雄山下空彈指

垂示云夫說法者無說無示其聽法者無聞無得說既無說無示爭如不說聽既無聞無得爭如不聽而無說又無聽却較些子只如今諸人聽山僧在這裏說作麼生免得此過具透關眼者試舉看

舉僧問馬大師離四句絕百非請師直指某甲西來意什麼處得

那裏得馬師云我今日勞倦不能為汝說問取智藏去退身三不

這消息知藏身露影不妨是僧問智藏也須與他藏云何不問和尚

老漢推過與別人僧云和尚教來問人處分前藏

草裏魚尾大蟲出來也道僧云和尚教來問輕後前藏

麼直得草繩自縛去僧云和尚教來問不云我今日頭痛不能為汝說問取海兄去不妨是八十四員

僧問海兄抱與別人海云我到這裏却不會不用切切僧

舉似馬大師些子眼睛馬師云藏頭白海頭黑塞外將軍令

這箇公案山僧舊且在成都參真覺覺云只消看馬祖第一句自然

一時理會得且道這僧是會來問不會來問此問不妨深遠離四句

者有無非有非無非有非非無離此四句絕其百非只管作道理

不識話頭討頭腦不見若是山僧待馬祖道了也便與展坐具禮三

拜看他作麼生道當時馬祖若見這僧來問離四句絕百非請師直

指某甲西來意以拄杖劈脊便棒趕出看他省不省馬大師只管與

他打葛藤以至這漢當面蹉過更令去問知藏殊不知馬大師來風

深辨這僧懵懂走去問智藏藏云何不問和尚僧云和尚教來問看

他這些子揆着便轉更無閑暇處智藏云我今日頭痛不能為汝說

得問取海兄去這僧又去問海兄海兄云我到這裏却不會且道為

什麼一人道頭痛一人云不會畢竟作麼生這僧却回來舉似馬大

師師云藏頭白海頭黑若以解路卜度却謂之相瞞有者道只是相

推過有者道三箇總識他問頭所以不答總是拍盲地一時將古人

醍醐上味着毒藥在裏許所以馬祖道待汝一口吸盡西江水即向

汝道與此公案一般若會得藏頭白海頭黑便會西江水話這僧將

一檐懵懂換得箇不安樂更勞他三人尊宿入泥入水畢竟這僧不

瞥地雖然一恁麼這三箇宗師却被箇擔板劫破如今人只管去語

言上作活計云白是明頭合黑是暗頭合只管鑽研計較殊不知古

人一句截斷意根須是向正脉裏自看始得穩當所以道末後一句

始到牢關把斷要津不通凡聖若論此事如當門按一口劍相似擬議則喪身失命又道譬如擲劍揮空莫論及之不及但向八面玲瓏處會取不見古人道這漆桶或云野狐精或云瞎漢且道與一棒一喝是同是別若知千差萬別只是一般自然八面受敵要會藏頭白海頭黑麼五祖先師道封后先生雪竇頌云

藏頭白海頭黑一半合半開一手擲金聲玉振明眼衲僧會不得更行脚三十

穿却你鼻孔山僧馬駒踏殺天下人叢林中也須是這老漢臨濟未

是白拈賊手也被人捉了也離四句絕百非道什麼也須是自點

天上人間唯我知無用我作什麼得無失將什麼知

藏頭白海頭黑且道意作麼生這些子天下衲僧跳不出看他雪竇後面合殺得好道直饒是明眼衲僧也會不得這箇些子消息謂之神仙秘訣父子不傳釋迦老子說一代時教末後單傳心印喚作金剛王寶劍喚作正位恁麼葛藤早是事不獲已古人略露些子鋒鋷

若是透得底人便乃七穿八穴得大自在若透不得從前無悟人處轉說轉遠也馬駒踏殺天下人西天般若多羅識達磨云震且雖闊無別路要假兒孫脚下行金雞解銜一粒粟供養十方羅漢僧又六祖謂讓和尚曰向後佛法從汝邊去已後出一馬駒踏殺天下人厥後江西法嗣布於天下時號馬祖焉達磨六祖皆先識馬祖看他作略果然別只道藏頭白海頭黑便見踏殺天下人處只這一句黑白語千人萬人咬不破臨濟未是白拈賊臨濟一日示衆云赤肉團上有一無位真人常向汝等諸人面門出入未證據者看看時有僧出問如何是無位真人臨濟下禪牀搦住云道道僧無語濟托開云無位真人是什麼乾屎橛雪峯後聞云臨濟大似白拈賊雪竇要與他臨濟相見觀馬祖機鋒忒過於臨濟此正是白拈賊臨濟未是白拈賊也雪竇一時穿却了也却頌這僧道離四句絕百非天上人間唯我知且莫向鬼窟裏作活計古人云問在答處答在問處早是奇特

你作麼生離得四句絕得百非雪竇道此事唯我能知直饒三世諸佛也覷不見既是獨自箇知諸人更上來求箇什麼大為真如拈云這僧恁麼問馬祖恁麼答離四句絕百非智藏海兒都不知要會麼不見道馬駒踏殺天下人

揚初尤切

禹示云鑠錡橫按鋒前剪斷為藤窠明鏡高懸句中引出毘盧印田地穩密處着衣喫飯神通遊戲處如何湊泊還委恁麼看取下文

舉金牛和尚每至齋時自將飯桶於僧堂前作舞呵呵大笑云菩薩子喫飯來

寶云雖然如此金牛不是好心是賊識賊是騙識騙來僧問長慶

古人道菩薩子喫飯來意旨如何不處疑着慶云大似

因齋慶讚相打令

金牛乃馬祖下尊宿每至齋時自將飯桶於僧堂前作舞呵呵大笑云菩薩子喫飯來如此者二十年且道他意在什麼處若只喚作喫

飯尋常敲魚擊鼓亦自告報矣又何須更自將飯桶來作許多伎倆莫是他顛麼莫是提唱建立麼若是提唱此事何不去寶華王座上敲床豎拂須要如此作什麼令人殊不知古人意在言外何且看祖師當時初來底題目道什麼分明說道教外別傳單傳心印古人方便也只教你直截承當去後來人妄自卜度便道那裏有許多事寒則向火熱則乘涼飢則喫飯困則打眠若恁麼以常情義解詮註達磨一宗掃土而盡不知古人向二六時中念念不捨要明此事雪竇云雖然如此金牛不是好心只這一句多少人錯會所謂醍醐上味為世所珍遇斯等人翻成毒藥金牛既是落草為人雪竇為什麼道不是好心因什麼却恁麼道衲僧家須是有生機始得今人不到古人田地只管道見什麼心有什麼佛若作這見解壞却金牛老作家了也須是子細看始得若只今日明日口快些子無有了期後來長慶上堂僧問古人道菩薩子喫飯來意旨如何慶云大似因齋慶

讚尊宿家忒煞慈悲漏逗不少是則是因齋慶讚你且道慶讚箇什麼看他雪竇頌云

白雲影裏笑呵呵笑中自有刀。熱發作什麼。兩手持來付與他。豈有事莫誇金牛好。喚作飯桶得麼。若是金毛獅子子。須是他格外。始若是本分衲僧。不喫這般茶飯。若在什麼處。瞎漢。

白雲影裏笑呵呵長慶道因齋慶讚雪竇道兩手持來付與他且道只是與他喫飯為當別有奇特若向箇裏知得端的便是箇金毛獅子子若是金毛獅子子更不必金牛將飯桶來作舞大笑直向三千里外便知他敗缺處古人道鑒在機先不消一捏所以衲僧家尋常須是向格外用始得稱本分宗師若只據語言未免漏逗垂示云靈鋒寶劍常露現前亦能殺人亦能活人在彼在此同得同失若要提持一任提持若要平展一任平展且道不落賓主不拘回互時如何試舉看

舉僧從定州和尚會裏來到烏白烏白問定州法道何似這裏有響。要講。淺深。探。竿影。草。太。煞。瞞。人。僧云不別以漢中有一活底。一箇半箇。踏看實地。白云若不

別更轉彼中去便打灼然。正。當。行。僧云棒頭有眼不得草草打人也是。家。始。得。却。白。云。今。日。打。着。一。箇。也。又。打。三。下。說。什。麼。箇。一。箇。僧。便。出。去。受。元。來。是。屋。裏。人。只。得。白。云。屈。棒。元。來。有。人。喫。在。啞。子。喫。苦。瓜。放。回。來。用。棍。僧。轉。身。云。爭。奈。杓。柄。在。和。尚。手。裏。却。是。箇。俗。例。白。云。

汝若要山僧回與汝知他阿誰是君阿誰是臣。敢。僧。近。前。奪。白。手。中。棒。打。曰。三。下。得。看。主。互。換。縱。奪。臨。時。白。云。屈。棒。屈。棒。看。什。麼。老。漢。急。僧。云。有。人。喫。在。却。在。這。僧。手。裏。白。云。草。草。打。着。箇。漢。送。知。他。誰。阿。僧。便。禮。拜。臨。危。不。變。方。白。云。和。尚。却。恁。麼。去。也。點。僧。大。笑。而。出。隨。方。知。盡。始。盡。終。在。猛。虎。須。得。清。風。白。云。消。得。恁。麼。消。得。恁。麼。可。惜。放。過。何。不。劈。查。便。將。請。走。到。什。麼。處。去。

僧從定州和尚會裏來到烏白白亦是作家諸人若向這裏識得此

二人一出一入千箇萬箇只是箇作主也。恁麼作賓也。恁麼二人畢竟合成一家。一期勘辨賓主問答。始終作家。看烏白問這僧云。定州法道何似這裏。僧便云。不別。當時若不是烏白。難奈這僧。何白云。若不別。更轉彼中去。便打。爭奈這僧是作家。漢便云。棒頭有眼。不得草草打人。曰。一向行令。云。今日打着一箇也。又打三下。其僧便出去。看他兩箇轉轉地。俱是作家了。這一事。須要分縑素。別休咎。這僧雖出去。這公案却未了。在烏白始終要驗他實處。看他如何。這僧却似撐門拄戶。所以未見得他。烏白却云。屈棒元來有人喫。在這僧要轉身吐氣。却不與他爭。輕輕轉云。爭奈杓柄在和尚手裏。烏白是頂門具眼。底宗師敢向猛虎口裏橫身。云。汝若要山僧回與汝。這漢是箇肘下有符底。漢所謂見義不為無勇也。更不擬議。近前奪烏白手中棒。打曰。三下。曰。云。屈棒。屈棒。你且道。意作麼生。頭上道。屈棒元來有人喫。在及乎到這僧打他。却道。屈棒。屈棒。僧云。有人喫。在。曰。云。草

草打着箇漢頭。上道。草草打着一箇也。到末後。自喫棒。為什麼。亦道草草打着箇漢。當時若不是這僧卓朔地。也不奈他。何。這僧便禮拜。這箇禮拜最毒。也不是好心。若不是烏白也。識他不破。烏白云。却恁麼去也。其僧大笑。而出。烏白云。消得恁麼。消得恁麼。看他作家相見。始終賓主分明。斷而能續。其實也只是互換之機。他到這裏。亦不道有箇互換處。自是他古人絕情。塵意想彼此作家。亦不道有得有失。雖是一期間語言。兩箇活潑潑地。都有血脉針線。若能於此見得。亦乃向十二時中。歷歷分明。其僧便出。是雙放。已下是雙收。謂之互換也。雪竇正恁麼地。頌出。

呼即易天下人總疑着。真肉引來。遣即難不妨鄭絕海。互換機鋒子細看。杖。兩人扶。且道在阿誰邊。劫石固來猶可壞神裏金龜。千聖滄溟深處立須乾向什麼處安。烏白老烏白老可憐。識老漢不幾何般。也是箇無端。與他杓柄太無端。已在言前。泊合打。

在什麼處

呼即易遣即難一等是落草雪竇忒煞慈悲尋常道呼蛇易遣蛇難
如今將箇瓢子吹來喚蛇即易要遣時即難一似將棒與他却易復
奪他棒遣去却難須是有本分手脚方能遣得他去烏曰是作家有
呼蛇底手脚亦有遣蛇底手段這僧也不是瞌睡底烏曰問定州法
道何似這裏便是呼他烏曰便打是遣他僧云棒頭有眼不得草草
打人却轉在這僧處便是呼來烏曰云汝若要山僧回與汝僧便近
前奪棒也打三下却是這僧遣去乃至這僧大笑而出烏曰云消得
恁麼消得恁麼此分明是遣得他恰好看他兩箇機鋒互換絲來線
去打成一片始終賓主分明有時主却作賓有時賓却作主雪竇也
讚歎不及所以道互換之機教人且子細看劫石固來猶可壞謂此
劫石長四十里廣八萬四千由旬厚八萬四千由旬凡五百年乃有
天人下來以六銖衣袖拂一下又去至五百年又來如此拂拂盡此

石乃為一劫謂之輕衣拂石劫雪竇道劫石固來猶可壞石雖堅固
尚爾可消磨盡此二人機鋒千古萬古更無有窮盡滄溟深處立須
乾任是滄溟洪波浩渺白浪滔天若教此二人向內立地此滄溟也
須乾竭雪竇到此一時頌了末後更道烏曰老烏曰老幾何般或擒
或縱或殺或活畢竟是幾何般與他杓柄太無端這箇拄杖子三世
諸佛也用歷代祖師也用宗師家也用與人抽釘拔楔解粘去縛爭
得輕易分付與人雪竇意要獨用賴值這僧當時只與他平展忽若
旱地起雷看他如何當抵烏曰過杓柄與人去豈不是太無端
垂示云細如米末冷似水霜晶塞乾坤離明絕暗低低處觀之有餘
高高處平之不足把住放行總在這裏許還有出身處也無試舉看

雷 拍逼切滿也

舉丹霞問僧甚處來也正是不可總沒來處也不難僧云山下來着草鞋入
也只是不會言中有響霞云喫飯了也未第一杓惡水澆何必僧

云喫飯了果然撞着箇露柱。却被旁人穿。霞云將飯來與汝喫底

人還具眼麼雖然好。掀倒得人。也是據款結案。僧無語果然。走不

是作家向一般道。長慶問保福將飯與人喫報恩有分。為什麼不具

眼是也。只道得一半。通身是通身。福云施者受者。二俱瞎漢據令而

道盡。人。長慶云盡其機來。還成瞎否識甚好。猶自。福云道我瞎

得麼兩箇俱是草裏漢。龍頭蛇尾。當時待他道盡其機來。還成瞎

村後不送店。

鄧州丹霞天然禪師不知何許人。初習儒學。將入長安。應舉。方宿於

逆旅。忽夢白光滿室。占者曰。解空之祥。偶一禪客問曰。仁者何往。曰。

選官去。禪客曰。選官何如。選佛。霞云。選佛當往何所。禪客曰。今江西

馬大師出世。是選佛之場。仁者可往。遂直造江西。才見馬大師。以兩

手托幞頭脚一作額。馬師顧視云。吾非汝師。南嶽石頭處去。處抵南嶽

還以前意投之。石頭云。着槽廠去。師禮拜入行者堂。隨眾作務。几二

年石頭一日告眾云。來日剗佛殿前草。至來日。大眾各備鋤鋤剗草。

丹霞獨以盆盛水。淨頭於師前。跪膝。石頭見而笑之。便與剃髮。又為

說戒。丹霞掩耳而出。便往江西。再謁馬祖。未參禮。便去。僧堂內。騎聖

僧頸而坐。時大眾驚愕。急報馬祖。祖躬入堂。視之曰。我子天然。霞便

下禮拜曰。謝師賜法號。因名天然。他古人天然如此。穎脫。所謂選官

不如選佛也。傳燈錄中載其語句。直是壁立千仞。句句有與人抽釘

拔楔底手脚。似問這僧道什麼處來。僧云。山下來。這僧却不通來處。

一如具眼。倒去勘王家相似。當時若不是丹霞也。難為收拾。丹霞却

云。喫飯了也。未頭邊總未見得。此是第二回勘他。僧云。喫飯了也。禮

懂漢。元來不會。霞云。將飯與汝喫。底人還具眼麼。僧無語。丹霞意道

與你這般漢。飯喫堪作什麼。這僧若是箇漢。試與他一割。看他如何。

雖然如是。丹霞也未放你。在這僧便眼眨地無語。保福長慶同在

雪峯會下。常舉古人公案。商量。長慶問保福。將飯與人喫。報恩有分。

爲什麼不具眼不必盡問公案中事大綱借此語作話頭要驗他諦當處保福云施者受者二俱瞎漢快哉到這裏只論當機事家裏有出身之路長慶云盡其機來還成瞎否保福云道我瞎得麼保福意謂我怎麼具眼與你道了也還道我瞎得麼雖然如是半合半開當時若是山僧等他道盡其機來還成瞎否只向他道瞎可惜許保福當時若下得這箇瞎字免得雪竇許多葛藤雪竇亦只用此意頌

盡機不成瞎

只道得一半也。要按牛頭喫草。河北殊不知傷鋒犯。

四七二三諸祖師

不唯只帶一條帶累人。聖寶器持來成過咎。盡大地

換手。提。還我。杖。來。不得。過咎深。不可。深。且。道。深。多。少。無處尋。在。你。

帶。累。山。僧。也。出。頭。不。得。過咎深。不可。深。且。道。深。多。少。無處尋。在。你。

下。摸。索。天上人間同陸沉。天下。僧。一。坑。埋。却。還。有。活。處。尋。在。你。

壁。目。動。洽。也。

盡機不成瞎長慶云盡其機來還成瞎否保福云道我瞎得麼一似按牛頭喫草須是等他自喫始得那裏按他頭教喫雪竇怎麼頌自

然見得丹霞意四七二三諸祖師寶器持來成過咎不唯只帶累長慶乃至西天二十八祖此土六祖一時埋沒釋迦老子四十九年說一大藏教末後唯傳這箇寶器永嘉道不是標形虛事禱如來寶杖親蹤跡若作保福見解寶器持來都成過咎過咎深無處尋這箇與你說不得但去靜坐向他句中點檢看既是過咎深因什麼却無處尋此非小過也將祖師太事一齊於陸地上平沉却所以雪竇道天上人間同陸沉

垂示云向上轉去可以穿天下人鼻孔似鷓鴣向下轉去自己鼻孔在別人手裏如龜藏殼箇中忽有箇出來道本來無向上向下用轉作什麼只向伊道我也知你向鬼窟裏作活計且道作麼生辨箇縑素良久云有條攀條無條攀例試舉看

舉僧問雲門如何是超佛越祖之談開。早。地。門。云。餽餅。還。覺。寒。毛。卓。豎。麼。禱。雲門云餽餅還覺寒毛卓豎麼禱

僧家問佛問祖問禪問道問向上向下了更無可得問却致箇問端
 問超佛越祖之談雲門是作家便水長船高泥多佛大便答道餽餅
 可謂道不虛行功不浪施雲門復示衆云你勿可作了見人道着祖
 師意便問超佛越祖之談道理你且喚什麼作佛喚什麼作祖即說
 超佛越祖之談便問箇出三界你把三界來看有什麼見聞覺知隔
 碍着你有什麼聲色佛法與汝可了了箇什麼碗以那箇爲差殊之
 見他古聖勿奈你何橫身爲物道箇舉體全真物物觀體不可得我
 向汝道直下有什麼事早是埋沒了也會得此語便識得餽餅五祖
 云驢屎比麝香馬難所謂直截根源佛所印摘葉尋枝我不能到這
 裏欲得親切莫將問來問看這僧問如何是超佛越祖之談門云餽
 餅還識羞慚麼還覺漏逗麼有一般人杜撰道雲門見鬼放鷹便道
 餽餅若恁麼將餽餅便是超佛越祖之談見去豈有活路莫作餽餅
 會又不作超佛越祖會便是活路也與麻三斤解打鼓一般雖然只

道餽餅其實難見後人多作道理云麓言及細語皆歸第一義若恁
 麼會且去作座主一生贏得多知多解如今禪和子道超佛越祖之
 時諸佛也踏在腳跟下祖師也踏在腳跟下所以雲門只向他道餽
 餅既是餽餅豈解超佛越祖試去參詳看諸方頌極多盡向問頭邊
 作言語唯雪竇頌得最好試舉看頌云

超談禪客問偏多箇箇出來便作這縫罽披離見也麼已在言前
不覺餽餅壘來猶不任將木樓子換却至今天下有誦訛畫箇圓
是恁麼會麼咬人言語有甚了期大地茫茫愁殺人便打 反六切

超談禪客問偏多此語禪和家偏愛問不見雲門道你諸人橫擔拄
 杖道我參禪學道便覓箇超佛越祖道理我且問你十二時中行任
 坐臥屙屎放尿至於茅坑裏蟲子市肆買賣羊肉案頭還有超佛越
 祖底道理麼道得底出來若無莫妨我東行西行便下座有者更不
 識好惡作圓相上上加泥漆枷帶鎖縫罽披離見也麼他致問處有

大小大縫罅雲門見他問處披離所以將餠餅攔縫塞定這僧猶自不肯住却更問是故雪竇道餠餅壅來猶不住至今天下有誦訛如今禪和子只管去餠餅上解會不然去超佛越祖處作道理既不在這兩頭畢竟在什麼處三十年後待山僧換骨出來却向你道

舉古有十六開士處成羣作隊不啻漢用於浴僧時隨例入浴撞着

漆桶作忽悟水因懸澆諸禪德作麼生會他道妙觸宣明更別

人非作麼生會成佛子住天下兩頭到這裏摸索也須七穿八穴

始得着一棒還條痕莫辜負山僧好撞

楞嚴會上跋陀婆羅菩薩與十六開士各修梵行乃各說所證圓通法門之因此亦二十五圓通之一數也他因俗僧時隨例入浴忽悟水因云既不洗塵亦不洗體且道洗箇什麼若會得去中間安然得無所有千箇萬箇更近傍不得所謂以無所得是真般若若有所得是相似般若不見達磨語二祖云將心來與汝安二祖云覓心了不

可得這裏些子是衲僧性命根本更總不消得如許多葛藤只消道箇忽悟水因自然了當既不洗塵亦不洗體且道悟箇什麼到這般田地一點也着不得道箇佛字也須諱却他道妙觸宣明成佛子住宜則是顯也妙觸是明也既悟妙觸成佛子住即住佛地也如今人亦入浴亦洗水也恁麼觸因甚却不悟皆被塵境惑障粘皮着骨所以不能便惺惺去若向這裏洗亦無所得觸亦無所得水因亦無所得且道是妙觸宣明不是妙觸宣明若向箇裏直下見得便是妙觸宣明成佛子住如今人亦觸還見妙處麼妙觸非常觸與觸者合則為觸離則非也玄沙過嶺磕着脚指頭以至德山棒豈不是妙觸雖然恁麼也須是七穿八穴始得若只向身上摸索有什麼交涉你若七穿八穴去何須入浴便於一毫端上現寶王刹向微塵裏轉大法輪一處透得千處萬處一時透莫只守一窠一窟一切處都是觀音入理之門古人亦有聞聲悟道見色明心若一人悟去則故是因甚

十六開士同時悟去是故古人同修同證同悟同解雪竇拈他教意令人去妙觸處會取出他教眼須免得人去教網裏籠罩半醉半醒要令人直下灑灑落落頌云

了事衲僧消一箇現有一箇朝打三千暮打八百長連床上展脚

臥果然論劫不論禪夢中曾說悟圓通你夢見寐語作什麼香水

洗來驀面唾重地又

了事衲僧消一箇且道了得箇什麼事作家禪客聊聞舉着別起便行似恁麼衲僧只消得一箇何用成羣作隊長連床上展脚臥古人道明明無悟法悟了却迷人長舒兩脚睡無偽亦無真所以胃中無一事飢來喫飯困來眠雪竇意道你若說入浴悟得妙觸宜明在這般無事衲僧分上只似夢中說夢所以道夢中曾說悟圓通香水洗來驀面唾似恁麼只是惡水驀頭澆更說箇什麼圓通雪竇道似這般漢正好驀頭驀面唾山僧道上上加泥又一重

垂示云太用現前不存軌則活捉生擒不勞餘力且道是什麼人曾恁麼來試舉看

舉僧問投子一切聲是佛聲是否也解持虎鬚青天轟投子云是

賺殺一船人賣身與你僧云和尚莫屎沸碗鳴聲不見雞頭方

道什麼投子便打好打放又問麓言及細語皆歸第一義是

否第二回將虎鬚抱賊叫屈在投子云是又是賣身與你了也

僧云喚和尚作一頭驢得麼只見雞頭方雖有逆投

子便打着不可放過好打挂放都木切管也

投子朴實頭得逸羣之辯凡有致問開口便見膽不費餘力便坐斷他舌頭可謂運籌帷幄之中決勝千里之外這僧將聲色佛法見解貼在他額頭上逢人便問投子作家來風溪辨這僧知投子實頭合下做箇圈縲子教投子入來所以有後語投子却使陷虎之機釣他後語出來這僧接他答處道和尚莫屎沸碗鳴聲果然一釣便上若

是別人則不奈這僧何投子具眼隨後便打咬豬狗底手脚須還作
家始得左轉也隨他阿轆轤地右轉也隨他隨轆轤地這僧既是做
箇圈續子要來持虎鬚殊不知投子更在他圈續頭上投子便打這
僧可惜許有頭無尾當時等他拈棒便與掀倒禪床直饒投子全機
也須倒退三千里又問麓言及細語皆歸第一義是否投子亦云是
一似前頭語無異僧云喚和尚作一頭驢得麼投子又打這僧雖然
作窠窟也不妨奇特若是曲柔木床上老漢頂門無眼也難折挫他
投子有轉身處這僧既做箇道理要攪他行市到了依舊不奈投子
老漢何不見巖頭道若論戰也箇箇立在轉處投子放去太遲收來
太急這僧當時若解轉身吐氣豈不作得箇口似血盆底漢衲僧家
一不做二不休這僧既不能擲却被投子穿了鼻孔頌云

投子投子灼然天下無這實頭機輪無阻處有什麼奈何他放一得
二換却你眼睛同彼同此也麼處見投子同彼同此也麼處見投子同彼同此也

弄潮人

造兩箇漢天下初僧恁麼去畢竟還落潮中莫向愁人說忽然活僧也百川倒流開活僧也

投子投子機輪無阻投子尋常道你總道投子實頭忽然下山三步
有人問你道如何是投子實頭處你作麼生抵對古人道機輪轉處
作者猶迷他機輪轉轉地全無阻隔所以雪竇道放一得二不見
僧問如何是佛投子云佛又問如何是道投子云道又問如何是禪
投子云禪又問月未圓時如何投子云吞却三箇四箇圓後如何吐
却七箇八箇投子接人常用此機答這僧只是一箇是字這僧兩回
被打所以雪竇道同彼同此四句一時頌投子了也未後頌這僧道
可憐無限弄潮人這僧敢擣旗奪鼓道和尚莫屢沸碗鳴聲又道喚
和尚作一頭驢得麼此便是弄潮處這僧做盡伎倆依前死在投子
句中投子便打此僧便是畢竟還落潮中死雪竇出這僧云忽然活

便與掀倒禪床。投子也須倒退三千里。直得百川倒流。開滌滌非唯禪床震動。亦乃山川岌岌。天地陡暗。苟或箇箇如此。山僧且打退鼓。諸人向什麼處安身立命。

反 逆及切 **切** 逆各切

十八 舉僧問趙州初生孩子。還具六識也無。問電之機說。子趙州云。急

水上打毬子。及也。後編。趙州云。急水上打毬子。意旨如

何。也是作家同。過也。子云。念念不停流。翻漢。

此六識教家立為正木山河大地日月星辰。因其所以生來為先鋒。去為殿後。古人道三界唯心。萬法唯識。若證佛地。以八識轉為四智。教家謂之改名不改體。根塵識是三。前塵元不會分別。勝義根能發。生識識能顯色。分別即是第六意識。第七識末那識能去執持世間一切影事。令人煩惱。不得自由自在。皆是第七識。到第八識亦謂之阿賴耶識。亦謂之含藏識。含藏一切善惡種子。這僧知教意。故將來問趙州道。初生孩子。還具六識也無。初生孩兒。雖具六識。眼能見耳

能聞。然未曾分別六塵好惡長短。是非得失。他恁麼時。總不知學道之人。要復如嬰孩榮辱功名。逆情順境。都動他不得。眼見色與盲等。耳聞聲與聾等。如癡似兀。其心不動。如須彌山。這箇是衲僧家。真實得力處。古人道。衲被蒙頭萬事休。此時山僧都不會。若能如此。方有少分相應。雖然如此。爭奈一點也瞞他不得。山依舊是山水。依舊是水。無造作。無緣慮。如日月運於大虛。未嘗暫止。亦不道我有許多名相。如天普蓋。似地普擎。為無心故。所以長養萬物。亦不道我有許多功行。天地為無心故。所以長久。若有心。則有限。齊得道之人。亦復如是。於無功用中。施功用。一切違情順境。皆以慈心攝受。到這裏。古人尚自呵責道。了了時無可了。玄玄處直須呵。又道事事通。兮物物明。達者聞之。暗裏驚。又云。入聖超凡。不作聲。臥龍長怖。碧潭清。人生若得長如此。大地那能留一名。然雖恁麼。更須跳出窠窟。始得。豈不見教中道。第八不動地。菩薩以無功用智。於一微塵中。轉大法輪。

於一切時中行任坐臥不拘得失任運流人薩婆若海衲僧家到這裏亦不可執着但隨時自在遇茶喫茶遇飯喫飯這箇向上事着箇定字也不得着箇不定字也不得石室善道和尚示衆云汝不見小兒出胎時何曾道我會看教當恁麼時亦不知有佛性義無佛性義及至長大便學種種知解出來便道我能我解不知是客塵煩惱十六觀行中嬰兒行爲最哆哆啾啾時喻學道之人離分別取捨心故讚歎嬰兒可况喻取之若謂嬰兒是道今時人錯會南泉云我十八上解作活計趙州道我十八上解破家散宅又道我在南方二十年除粥飯二時是雜用心處曹山問僧菩薩定中聞香象渡河歷歷地出什麼經僧云涅槃經山云定前聞定後聞僧云和尚流也山云灘下接取又楞嚴經云湛入合湛入識邊際又楞伽經云相生執礙想生妄想流注生則逐妄流轉若到無功用地猶在流注相中須是出得第三流注生相方始快活自在所以瀉山問仰山云寂子如何仰

山云和尚問他見解問他行解若問他行解某甲不知若是見解如一瓶水注一銚水若得如此皆可以爲一方之師趙州云急水上打毬子早是轉轉地更向急水上打時眨眼便過譬如楞嚴經云如急流水望爲恬靜古人云譬如駛流水水流無定止各各不相知諸法亦如是趙州答處意渾類此其僧又問投子急水上打毬子意旨如何子云念念不停流自然與他問處恰好古人行履綿密答得只似一箇更不消計較你纔問他早知你落處了也孩子六識雖然無功用爭奈念念不停如密水流投子怎麼答可謂深辨來風雪竇頌云

音史疾也

六識無功伸一問有眼如盲有耳如聾明鏡作家曾共辨來端素也唯也證也乃也知也茫茫急水打毬子也始也終也一也貫也過也落處不停誰解看也

六識無功伸一問古人學道養到這裏謂之無功之功與嬰兒一般

雖有眼耳鼻舌身意而不能分別六塵蓋無功用也既到這般田地便乃降龍伏虎坐脫立亡如今人但將目前萬境一時歇却何必八地以上方乃如是雖然無功用處依舊山是山水是水雪竇前向頌云活中有眼還同歎。蔡忌何須鑒作家蓋為趙州投子是作家故云作家曾共辨來端茫茫急水打毬子投子道念念不停流諸人還知落處麼雪竇末後教人白着眼看是故云落處不停誰解看此是雪竇活句且道落在什麼處

佛果園悟禪師碧巖錄卷第八

佛果園悟禪師碧巖錄卷第九

垂示云攬旗奪鼓千聖莫窮坐斷請訛萬機不到不是神通妙用亦非本體如然且道憑箇什麼得恁麼奇特

舉僧問藥山平田淺草麀鹿成羣如何射得麀中麀把髻投衙擊

山云看箭就身打劫下破不僧放身便倒灼然不同一以

山云侍者拖出這死漢據令而行不勞再勤僧便走棺木裏

山云弄泥團漢有什麼限可惜許放過據雪竇拈云三步

雖活五步須死看一手中擡一手中揚直饒走百步也須喪身失命復云

這公案洞下謂之借事問亦謂之辨主問用明當機鹿與麀尋常易

射唯有麀中麀是鹿中之王最是難射此麀鹿常於崖石上利其角

如鋒鋸穎利以身護惜羣鹿虎亦不能近傍這僧亦似惺惺引來問

藥山用明第一機山云看箭作家宗師不妨奇特如擊石火似閃電

山直得目眩口吐何用
似無孔鐵鎚堪作何用
塵音瞻目直視切怒
被遮立伽

息在
有氣
山云
侍者
拖出
這死
漢
前
箭
猶
輕
後
箭
深
勤
僧
便
走
棺
木
裏
瞳
眼

後
箭
山
云
看
箭
就
身
打
劫
下
破
不
僧
放
身
便
倒
灼
然
不
同
一
以

非
本
體
如
然
且
道
憑
箇
什
麼
得
恁
麼
奇
特

佛
果
園
悟
禪
師
碧
巖
錄
卷
第
九

佛
果
園
悟
禪
師
碧
巖
錄
卷
第
八

光豈不見三平初參石鞏鞏才見來便作彎弓勢云看箭三平撥開
臂云此是殺人箭活人箭鞏彈弓弦三下三平便禮拜鞏云三十年
一張弓兩隻箭今日只射得半箇聖人便拗折弓箭三平後舉似大
顛顛云既是活人箭爲什麼向弓弦上辨三平無語顛云三十年後
要人舉此話也難得法燈有頌云古有石鞏師架弓矢而坐如是三
十年知音無一箇三平中的來父子相投和子細這思量元伊是射
梁石鞏作略與藥山一般三平頂門具眼向一句下便中的一似藥
山道看箭其僧便作塵放身倒這僧也似作家只是有頭無尾既做
圈績要陷藥山爭奈藥山是作家一向逼將去山云侍者拖出這灰
漢如展陣向前相似其僧便走也好是則是爭奈不脫灑粘脚粘手
所以藥山云弄泥團漢有什麼限藥山當時若無後語千古之下遭
人檢點山云看箭這僧便倒且道是會是不會若道是會藥山因什
麼却恁麼道弄泥團漢這箇最惡正似僧問德山學人仗鎊鎊劍擬

取師頭時如何山引頸近前云因僧云師頭落也德山低頭歸方丈
又巖頭問僧什麼處來僧云西京來巖頭云黃巢過後曾收得劍麼
僧云收得巖頭引頸近前云因僧云師頭落也巖頭呵呵大笑這般
公案都是陷虎之機正類此恰是藥山不管他只爲識得破只管逼
將去雪竇云這僧三步雖活五步須死這僧雖甚解看箭便放身倒
山云侍者拖出這灰漢僧便走雪竇道只恐三步外不活當時若跳
出五步外天下人便不奈他何作家相見須是賓主始終互換無有
間斷方有自由自在分這僧當時既不能始終所以遭雪竇檢點後
面亦自用他語頌云

塵中塵高着眼看也君看取射似生第二頭走要下一箭中須
好走活三活三活三活活三活三活三活活三活三活三活活三活三活三
虎二俱並照他出頭也只在草窠裏天下正眼從來付獵人手奈藥山
這話藥山則故是雪竇又作麼生也不干雪竇事也不干上座事雪竇高聲云看

箭得一狀傾過也須與他倒退了也

塵中塵君看取衲僧家須是具塵中塵底眼有塵中塵底頭角有機關有作略任是挿翼猛虎戴角大蟲也只得全身遠害這僧當時放身便倒自道我是塵下一箭走三步山云看箭僧便倒山云侍者拖出這灰漢這僧便走也甚好爭奈只走得三步五步若活成羣趁虎雪竇道只恐五步須死當時若跳得出五步外活時便能成羣去趁虎其塵中塵角利如鎗虎見亦畏之而走塵為鹿中王常引羣鹿趁虎入別山雪竇後面頌蔡山亦有當機出身處正眼從來付獵人蔡山如能射獵人其僧如塵雪竇是時因上堂舉此語束為一團語高聲道一句云看箭坐者立者一時起不得

垂示云竿頭絲線具眼方知格外之機作家方辨且道作麼生是竿頭絲線格外之機試舉看

舉僧問大龍色身敗壞如何是堅固法身話作兩極龍云山花開

似錦澗水湛如藍無孔笛子撞着說掉板潭崙驛

此事若向言語上覓一如掉棒打月且得沒交涉古人分明道欲得親切莫將問來問何故問在答處答在問處這僧擔一擔莽鹵換一擔鶻突致箇問端敢缺不少若不是大龍爭得蓋天蓋地他恁麼問大龍恁麼答一合相更不移易一絲毫頭一似見兔放鷹看孔着楔三乘十二分教還有這箇時節麼也不妨奇特只是言語無味杜塞人口是故道一片白雲橫谷口幾多歸鳥夜迷巢有者道只是信口答將去若恁麼會盡是滅胡種族漢殊不知古人一機一境敲枷打鎖一句一言渾金璞玉若是衲僧眼腦有時把住有時放行照用同時人境俱奪雙放雙收臨時通變若無大用大機爭解恁麼籠天罩地大似明鏡當臺胡來胡現漢來漢現此公案與花藝爛話一般然意却不同這僧問處不明大龍答處恰好不見僧問雲門樹凋葉落時如何門云體露金風此謂之箭鋒相拄這僧問大龍色身敗壞如

何是堅固法身大龍云山花開似錦澗水湛如藍一如君向西秦我
之東魯他既恁麼行我却恁麼行與他雲門一倍相返那箇恁麼
行却易見這箇却不恁麼行却難見大龍不妨三寸甚密雪竇頌云

問曾不知東西不辨弄物不答還不會南此不分月冷風高

何似生今日正當這時節天下古巖寒檜不雨時更好無孔堪笑

路逢達道人也須是親到這裏始得還我不將語默對見大龍將

箇什麼手把白玉鞭折了也驪珠盡擊碎留與後人不擊碎

一條罪來道得一半在八萬四千無量劫

雪竇頌得最有工夫前來頌雲門話却云問既有宗答亦攸同這箇
却不恁麼却云問曾不知答還不會大龍答處傍警直是奇特分明
是誰恁麼問未問已前早納敗缺了也他答處俯能恰好應機宜道
山花開似錦澗水湛如藍你諸人如今作麼生會大龍意答處傍警

直是奇特所以雪竇頌出教人知道月冷風高更撞着古巖寒檜且
道他意作麼生會所以適來道無孔笛子撞着甌拍板只這四句頌
了也雪竇又怕人作道理却云堪笑路途達道人將語默對此事
且不是見聞覺知亦非思量分別所以云的無兼帶獨運何依賴
路途達道人不將語默對此是香巖頌雪竇引用也不見僧問趙州
不將語默對未審將什麼對州云呈漆器這箇便同適來話不落你
情塵意想一似什麼手把白玉鞭驪珠盡擊碎是故祖令當行十方
坐斷此是劍刃上事須是有恁麼作略若不恁麼總辜負從上諸聖
到這裏要無些子事自有好處便是向上人行履處也既不擊碎必
增瑕類便見漏逗畢竟是作麼生得是國有憲章三千條罪五刑之
屬三千莫大於不孝憲是法章是條三千條罪一時犯了也何故如
此只為不以本分事接人若是大龍必不恁麼也

舉雲門示衆云古佛與露柱相交是第幾機三千里外沒交自代

云東家人以西家人助南山起雲乾坤莫觀北山下雨點滴不施

雲門大師出八十餘負善知識遷化後七十餘年開塔觀之儼然如故他見地明白機境迅速大凡垂語別語代語直下孤峻只這公案如擊石火似閃電光直是神出鬼沒慶藏王云一大藏教還有這般說話麼如今人多向情解上作活許道佛是三界導師四生慈父既是古佛為什麼却與露柱相交若恁麼會卒摸索不着有者喚作無中唱出殊不知宗師家說話絕意識絕情量絕生歿絕法塵入正位更不存一法你纔作道理計較便纏脚纏手且道他古人意作麼生但只使心境一如好惡是非撼動他不得便說有也得無也得有機也得無機也得到這裏拍拍是令五祖先師道大小雲門元來膽小若是山僧只向他道第八機他道古佛與露柱相交是第幾機一時問且向目前包裹僧問未審意旨如何門云一條條三十文買他有

定乾坤底眼既無人會後來自代云南山起雲北山下雨且與後學通箇入路所以雪竇只拈他定乾坤處教人見若纔犯計較露箇鋒鏑則當面蹉過只要原他雲門宗旨明他峻機所以頌出云

南山雲乾坤莫觀北山雨點滴不施四七二三面相觀幾處不見帶

打鼓遲一刻還我話頭來苦中樂誰知阿樂中苦兩重公案使誰舉

南山雲北山雨雪竇買帽相頭看風使恍向劒刃上與你下箇注脚

直得四七二三面相覩也莫錯會此只頌古佛與露柱相交是第幾機了也後向劈開路打葛藤要見他意新羅國裏曾上堂大唐國裏未打鼓雪竇向雷轉星飛處便道苦中樂樂中苦雪竇似堆一堆七珍八寶在這裏了所以未後有這一句子云誰道黃金如糞土此一句是禪月行路難詩雪竇引來用禪月云山高海深人不測古往今

來轉青碧。淺近輕浮。莫與交。地卑只解生荆棘。誰道黃金如糞土。張耳陳餘斷消息。行路難行路難。君自看且莫土曠人稀。雲居羅漢。垂示云。道是是無。可是言非非無。可非是非已去。得失兩忘。淨裸裸。赤灑灑。且道。面前背後是箇什麼。或有箇衲僧出來道。面前是佛殿。三門背後是寢堂。方丈且道。此人還具眼也。無若辨得此人。許你親見古人來。

四舉維摩詰問文殊師利這漢本煞合開何等是菩薩入不二法門

知而文殊曰。如我意者。擲過什麼。直得分疎不下。於一切法作一切

法無言無說。無示無識。即得別人。離諸問答。麼。什麼。是為入不二

法門。用入作什麼。用許於是文殊師利問維摩詰。我等各自說已。

仁者當說何等是菩薩入不二法門。這下靠莫道金粟如來說使

鎗頭來也。刺殺一人。雪竇云。維摩道什麼。替他說道。復云。勘破

了也。非但當時。即今也。任麼。雪竇也是賊過。後張已。雖然。為衆說

什麼。勘破。金毛。獅子也。摸索不着。

維摩詰令諸大菩薩各說不二法門。時三十二菩薩皆以二見有為。無為真俗二諦合為一見。為不二法門。後問文殊。文殊云。如我意者。於一切法無言無說。無示無識。離諸問答。是為入不二法門。蓋為三十二人以言遺言。文殊以無言遺言。一時掃蕩。總不要是為入不二法門。殊不知靈龜曳尾。拂迹成痕。又如掃帚掃塵。相似塵雖去。帚迹猶存。末後依前除蹤跡。於是文殊却問維摩詰云。我等各自說已。仁者當自說何等是菩薩入不二法門。維摩詰默然。若是活漢。終不去。灰水裏浸。却若作恁麼見解。似狂狗逐塊。雪竇亦不說良久。亦不說。默然據坐。只去急急處云。維摩道什麼。只如雪竇恁麼道。還見維摩麼。夢也未。夢見在。維摩乃過去。古佛亦有眷屬。助佛宣化。具不可思議。辨才有不可思議境界。有不可思議神通妙用。於方丈室中。容三萬二千獅子寶座。與八萬大衆。亦不寬狹。且道是什麼道理。喚作神

通妙用得麼且莫錯會若是不二法門雖同得同證方乃相共證知
獨有文殊可與酬對雖然恁麼還免得雪竇檢責也無雪竇恁麼道
也要與這二人相見云維摩道什麼又云勘破了也你且道是什麼
處是勘破處只這些子不拘得失不落是非如萬仞懸崖向上捨得
性命跳得過去許你親見維摩如捨不得大似抵羊觸藩雪竇故然
是捨得性命底人所以頌出云

除蹤跡

餘一本作

咄這維摩老咄他作什麼朝打三千暮打八百悲生空懊惱悲他作什麼

有金剛王寶劍為他開臥疾毗耶離因誰教得帶全身太枯槁則病

且置為什麼口似匾擔飯七佛祖師來容來須看賊來須打成羣

一室且頻掃猶有這箇在元來請問不二門若有可說被他說了

不當時便靠倒道着天不靠倒故中得活猶金毛獅子無處討

咄還見麼

雪竇道咄這維摩老頭上先下一咄作什麼以金剛王寶劍當頭直

截須朝打三千暮打八百始得梵語云維摩詰此云無垢稱亦云淨
名乃過去金粟如來也不見僧問雲居簡和尚既是金粟如來為什
麼却於釋迦如來會中聽法謂云他不爭人我大解脫人不拘成佛
不成佛若道他修行務成佛道轉沒交涉譬如圓覺經云以輪迴心
生輪迴見入於如來大寂滅海終不能至永嘉云或是或非人不識
逆行順行天莫測若順行則趣佛果位中若逆行則入眾生境界壽
禪師道直饒你磨鍊得到這田地亦未可順汝意在直待證無漏聖
身始可逆行順行所以雪竇道悲生空懊惱維摩經云為衆生有病
故我亦有病懊惱則悲絕也臥疾毗耶離維摩示疾於毘耶離城也
唐時王玄策使西域過其居遂以手板縱橫量其室得十笏因名方
丈全身太枯槁因以身疾廣為說法云是身無常無強無力無堅速
朽之法不可信也為苦為惱衆病所集乃至陰界入所共合成七佛
祖師來文殊是七佛祖師承世尊旨往彼問疾一室且頻掃方丈內

皆除去所有唯留一榻等文殊至請問不二法門也所以雪竇道請問不二門當時便靠倒維摩口似匾檐如今禪和子便道無語是靠倒且莫錯認定盤星雪竇拶到萬仞懸崖上却云不靠倒一手擡一手擡他有這般手脚直是用得玲瓏此頌前面拈云維摩道什麼金毛獅子無處討非但當時即今也恁麼還見維摩老麼盡山河大地草木叢林皆變作金毛獅子也摸索不着

垂示云把定世界不漏纖毫盡大地人亡鋒結舌是衲僧正令頂門放光照破四天下是衲僧金剛眼睛點鐵成金點金成鐵忽擒忽縱是衲僧拄杖子坐斷天下人舌頭直得無出氣處倒退三千里是衲僧氣宇且道總不恁麼時畢竟是箇什麼人試舉看

舉僧到桐峯庵主處便問這裏忽逢大蟲時又作麼生作家弄影半箇庵主便作虎聲將錯就錯却有牙爪同僧便作怕勢兩箇弄泥團漢也似見機而作似則庵主呵呵大笑刀猶較些子笑中有僧云這老賊須也

識破敗也兩庵主云爭奈老僧何雪上加霜又借放過僧休去了蒼天二俱不雪竇云是則是兩箇惡賊只解掩耳偷鈴言猶在耳

大雄宗派下出四庵主大梅白雲虎溪桐峰看他兩人恁麼眼親手辨且道諸訛在什麼處古人一機一境一言一句雖然出在臨時若是眼目周正自然活鱖鱖地雪竇拈教人識邪正辨得失雖然如此在他達人分上雖處得失却無得失若以得失見他古人則沒交涉如今人須是各各窮到無得失處然後以得失辨人若一向去揀擇言句處用心又到幾時得了去不見雲門大師道行脚漢莫只空遊州獵縣只欲得提擲閑言語待老和尚口動便問禪問道向上向下如何若何大卷抄將去壑向肚皮裏卜度到處火爐邊三箇五箇聚頭舉口喃喃地便道這箇是公才語這箇是就身打出語這箇是事上道底語這箇是體裏語體你屋裏老爺老娘噉却飯了只管說夢

便道我會佛法了也將知恁麼行脚驢年得休歇去古人暫時間
 拈弄豈有勝負得失是非等見桐峯見臨濟其時在溪山卓庵這僧
 到彼中遂問這裏忽逢大蟲時又作麼生峯便作虎聲也好就事便
 行這僧也會將錯就錯便作怕勢庵主呵呵大笑僧云這老賊峯云
 爭奈老僧何是則是二俱不了千古之下遭人點檢所以雪竇道是
 則是兩箇惡賊只解掩耳偷鈴他二人雖皆是賊當機却不用所以
 掩耳偷鈴此二老如排百萬軍陣却只鬪掃帚若論此事須是殺人
 不眨眼底手脚若一向縱而不擒一向殺而不活不免遭人怪笑雖
 然如是他古人亦無許多事看他兩箇恁麼總是見機而作五祖道
 神通遊戲三昧慧炬三昧莊嚴王三昧自是後人脚跟不點地只去
 點檢古人便道有得有失有底道分明是庵主落節且得沒交涉雪
 竇道他二人相見皆有放過處其僧道這裏忽逢大蟲時又作麼生
 峯便作虎聲此便是放過處乃至道爭奈老僧何此亦是放過處着

着落在第二機雪竇道要用便用如今人聞恁麼道便道當時好與
 行令且莫盲枷瞎棒只如德山入門便棒臨濟入門便喝且道古人
 意如何雪竇後面便只如此頌出且道畢竟作麼生免得掩耳偷鈴
 去頌云

見之不取是過千里已思之千里悔不當初好箇斑斑領出

解爭奈未在爪牙未備爪牙未備君不見大雄山下忽相逢有

條攀條無落落聲光皆振地這大蟲却恁麼去猶較大丈夫見也無

生老婆心切若解開眼同收虎尾兮捋虎鬚忽然突出如何收收天

出出來便與一投若無收放你三十棒教

見之不取思之千里正當驗處都不能使等他道爭奈老僧何好與
 本分草料當時若下得這手脚他必須有後語二人只解放不解收
 見之不取早是白雲萬里更說什麼思之千里好箇斑斑爪牙未備
 是則是箇大蟲也解藏牙伏爪爭奈不解咬人君不見大雄山下忽

相逢落落聲光皆振地。百丈一日問黃檗云。什麼處來。檗云。山下採
 菌子來。丈云。還見大蟲麼。檗便作虎聲。丈於腰下取斧作斫勢。檗約
 住。便掌丈至。晚上堂云。大雄山下有一虎。汝等諸人出入切須好看。
 老僧今日親遭一口。後來為山問仰山。黃檗虎話作麼生。仰云。和尚
 尊意如何。為山云。百丈當時合一斧斫殺。因什麼到如此。仰山云。不
 然。為山云。子又作麼生。仰山云。不唯騎虎頭。亦解收虎尾。為山云。寂
 子甚有驗。崖之句。雪竇引用。明。前面公案。聲光落落。振於大地。也。這
 箇些子。轉變自在。要句中有出身之路。大丈夫見也無。還見麼。收虎
 尾。兮。捋虎鬚也。須是本分。任你收虎尾。捋虎鬚。未免一時穿却鼻孔。
 垂示云。把定世界。不漏絲毫。截斷衆流。不存消滴。開口便錯。擬議即
 差。且道作麼生。是透關底眼。誠道看。

舉雲門垂語云。人人盡有光明在。黑漆看時不見暗昏昏。看時作
 麼生。是諸人光明。山是山。水是水。漆桶裏洗黑汁。自代云。厨庫三門。老婆心切。打

又云好事不如無。自知較下半。

雲門室中垂語接人。你等諸人脚跟下。各各有一段光明。輝騰今古。
 迴絕見知。雖然光明。恰到問着。又不曾。豈不是暗昏昏地。二十年垂
 示。都無人會他意。香林後來請代語。門云。厨庫三門。又云。好事不如
 無。尋常代語。只一句。為什麼。這裏却兩句。前頭一句。為你畧開一線
 路。教你見。若是箇漢。聊聞舉着。剔起便行。他怕人滯在此。又云。好事
 不如無。依前與你掃却。如今人纔聞舉着。光明便去。瞠眼云。那裏是
 厨庫。那裏是三門。且得沒交涉。所以道。識取鉤頭意。莫認定盤星。此
 事不在眼上。亦不在境上。須是絕知見。忘得失。淨躲躲。赤灑灑。各各
 當人分上。究取始得。雲門云。日裏來。徃日裏。辨人。忽然半夜無。日月
 燈光。曾到處。則故是未曾到處。取一件物。還取得麼。參同契云。當明
 中有暗。勿以暗相覩。當暗中有明。勿以明相遇。若坐斷明暗。且道是
 箇什麼。所以道。心花發明。照十方刹。盤山云。光非照境。境亦非存。光

境俱忘復是何物又云即此見聞非見聞無餘聲色可呈君箇中若
了全無事體用何妨分不分但會取未後一句了却去前頭遊戲畢
竟不在裏頭作活計古人道以無任本立一切法不得去這裏弄光
影弄精魂又不得作無事會古人道寧可起有見如須彌山不可起
無見如芥子許二乘人多偏墜此見雪竇頌云

自照列孤明蘇羅萬家賓主文參列為君通一線何止一線十日

得花謝樹無影打葛藤有什麼了期向什麼看時誰不見總不

摸三三見不見兩頭俱倒騎牛兮入佛殿中三門合掌還我話頭

自照列孤明自家脚跟下本有此一段光明只是尋常用得暗所以

雲門大師與你羅列此光明在你面前且作麼生是諸人光明厨庫

三門此是雲門列孤明處也盤山道心月孤圓光吞萬像這箇便是

真常獨露然後與君通一線亦怕人着在厨庫三門處厨庫三門則

且從却朝花亦謝樹亦無影日又落月又暗盡乾坤大地黑漫漫地
諸人還見麼看時誰不見且道是誰不見到這裏當明中有暗暗中
有明皆知前後步自可見雪竇道見不見領好事不知無合見又不
見合明又不明倒騎牛兮入佛殿入黑漆桶裏去也須是你自騎牛
入佛殿看道是箇什麼道理

垂示云明眼漢沒窠臼有時孤峯頂上草漫漫有時鬧市裏頭赤灑
灑忽若忿怒那吒現三頭六臂忽若日面月面放普攝慈光於一塵
現一切身為隨類人和泥合水忽若撥着向上竅佛眼也覷不着設
使千聖出頭來也須倒退三千里還有同得同證者麼試舉看
舉雲門示衆云藥病相治不可得盡大地是藥苦瓠連根苦那箇

是自已甜瓜徹蒂甜那澄之切攻理也音持

雲門道藥病相治盡大地是藥那箇是自已諸人還有出身處麼二
六時中管取壁立千仞德山棒如雨點臨濟喝似雷奔則且致釋迦

自釋迦彌勒自彌勒未知落處者往往喚作藥病相投會去世尊四十九年三百餘會應機設教皆是應病與藥如將蜜果換苦葫蘆相似既淘汝諸人業根令灑灑落落盡大地是藥你向什麼處插嘴若插得嘴許你有轉身吐氣處便親見雲門你若回顧躊躇管取插嘴若不得雲門在你脚跟底藥病相治也只是尋常語論你若着有與你說無你若着無與你說有你若着不有不無與你去糞掃堆上現丈六金身頭出頭沒只如今盡大地森羅萬象乃至自己一時是藥當恁麼時却喚那箇是自己你一向喚作藥彌勒佛下生也未夢見雲門在畢竟如何識取鈎頭意莫認定盤星文殊一日令善財去採藥云不是藥者採將來善財採無不是藥却來白云無不是藥者文殊云是藥者採將來善財乃拈一枝草度與文殊文殊提起示眾云此藥亦能殺人亦能活人此藥病相治話最難看雲門室中尋常用接人金鵝長老一日訪雪竇他是箇作家乃臨濟下尊宿與雪竇論

此藥病相治話一夜至天光方能盡善到這裏學解思量計較總使不着雪竇後有頌送他道藥病相治見最難萬重關鎖太無端金鵝道者來相訪學海波瀾一夜乾雪竇後面頌得最有工夫他意亦在竇亦在至自可見也頌云

盡大地是藥撒教誰辨的撒古今何太錯筆中閉門不造

車大小雪竇為衆渴九端出私門掛滿不通途自寥廓脚下便

錯錯雙劍向空飛鼻孔透天亦穿却頭落了也打云

盡大地是藥古今何太錯你若喚作藥會自古自今一時錯了也雪

竇云有般漢不解截斷太梅脚跟只管道貪程太速他解截雲門脚

跟為雲門這一句惑亂天下人雲門云拄杖子是浪許你七縱八橫

盡大地是浪看你頭出頭沒閉門不造車通途自寥廓雪竇道為你

通一線路你若閉門造車出門合轍濟箇甚事我這裏閉門也不造

車出門自然寥廓他這裏畧露些子縫罅教人見又連忙却道錯錯

前頭也錯後頭也錯誰知雪竇開一線路也是錯既然鼻孔遼天爲什麼也穿却要會麼且參三十年你有拄杖子我與你拄杖子你若無拄杖子不免被人穿却鼻孔

垂示云門庭施設且恁麼破二作三入理深談也須是七穿八穴當機敲點擊碎金鎖玄關據令而行直得掃蹤滅跡且道請訛在什麼處具頂門眼者請試舉看

舉玄沙示衆云諸方老宿盡道接物利生隨分開面鋪忽遇三種

病人來作麼生接打草只要蛇驚山僧直得目患盲者拈錘豎拂

他又不見利生的瞎未必不見在患聾者語言三昧他又聞是則接物利

是那箇未聞在患啞者教伊說又說不得生未必啞在是那箇

未說且作麼生接若接此人不得佛法無靈驗誠哉是言山僧拱

便僧請益雲門也要諸方雲門云汝禮拜着風行草僧禮拜起道

杖子也柳折在雲門以拄杖拄僧退後門云汝不是患盲端的瞎莫道復

喚近前來僧近前第二杓惡水洗觀音門云汝不是患聾莫道的聽

好門乃云還會麼何時好與一僧云不會兩重公案天門云

汝不是患啞端的啞口吧吧地僧於此有省識後張弓

持陵切怒去伽切張口視沙栗切音室撞空也

玄沙參到絕情塵意想淨裸裸赤灑灑地處方解恁麼道是時諸方

列利相望尋常示衆道諸方老宿盡道接物利生忽遇三種病人來

時作麼生接患盲者拈錘豎拂他又不見患聾者語言三昧他又

聞患啞者教他說又說不得且作麼生接若接此人不得佛法無靈

驗如今人若作盲聾啞會平摸索不着所以道莫向句中求却須

是會他玄沙意始得玄沙常以此語接人有僧久在玄沙處一日上

堂僧問和尚云三種病人話還許學人說道理也無玄沙云許僧便

珍重下去沙云不是不是這僧會得他玄沙意後來法眼云我聞地

藏和尚舉這僧語方會三種病人話若道這僧不會法眼爲什麼却

恁麼道若道他會玄沙爲什麼却道不是不是一日地藏道某甲問和尚有三種病人話是否沙云是藏云珪琛現有眼耳鼻舌和尚作麼生接玄沙便休去若會得玄沙意豈在言句上他會底自然殊別後有僧舉似雲門門便會他意云汝禮拜着僧禮拜起門以拄杖拄這僧退後門云汝不是患盲復喚近前來僧近前門云汝不是患聾乃云會麼僧云不會門云汝不是患啞其僧於此有省當時若是箇漢等他道禮拜着便與掀倒禪床豈見有許多葛藤且道雲門與玄沙會處是同是別佗兩人會處都只一般看佗古人出來作千萬種方便意在鈎頭上多少苦口只令諸人各各明此一段事五祖老師云一人說得却不會一人却會說不得二人若來參如何辨得他若辨這兩人不得管取爲人解粘去縛不得在若辨得纔見入門我便着草鞋向你肚裏走幾遭了也猶自不省討什麼碗出去且莫作盲聾瘖啞會好若恁麼計較所以道眼見色如盲等耳聞聲如聾等又道

滿眼不視色滿耳不聞聲又殊常觸目觀音塞耳根到這裏眼見如盲相似耳聞如聾相似方能與玄沙意不爭多諸人還識盲聾瘖啞底漢子落處麼看取雪竇頌云

盲聾瘖啞已在言前查絕機宜何什麼處摸索還做計天

上天下我自理自由堪笑堪悲什麼什麼交淺

不留蹤師曠豈識玄絲賞漢大功不爭如獨坐虛窓下始得是恁麼

鬼窟裏作活計葉落花開自有時會今日也從朝至暮明月也從

朝至復云還會也無無孔鐵鎚惜放過便打

離婁莊子

盲聾瘖啞查絕機宜盡你見與不見聞與不聞說與不說雪竇一時與你掃却了也直得盲聾瘖啞見解機宜計較一時查絕絕用不着這箇向上事可謂真盲真聾真啞無機無宜天上天下堪笑堪悲雪竇一手擡一手搦且道笑箇什麼悲箇什麼堪笑是啞却不啞是聾

却不覺堪悲明明不盲却盲明明不聾却聾離婁不辨正色不能辨
 青黃赤白正是瞎離婁黃帝時人百步外能見秋毫之末其目甚明
 黃帝游於赤水沉珠令離朱尋之不見令喫詭尋之亦不得後令象
 罔尋之方獲之故云象罔到時光燦爛離婁行處浪滔天這箇高處
 一着直是離婁之目亦辨他正色不得師曠豈識玄絲周時絳州晉
 景公之子師曠字子野一云晉平公也善別五音六律隔山聞蟻鬪時
 晉與楚爭霸師曠唯鼓琴撥動風絃知戰楚必無功雖然如是雪竇
 道他尚未識玄絲在不聾却是聾底人這箇高處玄音直是師曠亦
 識不得雪竇道我亦不作離婁亦不作師曠爭如獨坐虛窓下葉落
 花開自有時若到此境界雖然見似不見聞似不聞說似不說飢即
 喫飯困即打眠任佗葉落花開葉落時是秋花開時是春各各自有
 時節雪竇與你一時掃蕩了也又放一線道云還會也無雪竇力盡
 神疲只道得箇無孔鐵鎚這一句急着眼看方見若擬議又蹉過師

舉拂子云還見麼遂敲禪床一下云還聞麼下禪床云還說得麼

一作問象

岳示云通身是眼見不到通身是耳聞不及通身是口說不着通身
 是心鑒不出通身即且止忽若無眼作麼生見無耳作麼生聞無口
 作麼生說無心作麼生鑒若向箇裏撥轉得一線道便與古佛同參
 參則且止且道參箇什麼人

舉雲巖問道吾大悲菩薩用許多手眼作什麼當時好與本分草

下作什麼問吾云如人夜半背手摸枕子料何不用本分草巖云我

會也將鏡就鏡未免傷鋒犯手吾云汝作麼生會何更問也

巖云徧身是手眼有活計泥裏洗土塊吾云道即太煞道只道得

不成同坑無異土似見巖云師兄作麼生取人處分爭得吾云通

身是手眼眼跳不出斗擲知你眼瞞移却雲巖與道吾同參藥山四十年腸不着席藥山出曹洞一宗有三人

法道盛行雲巖下洞山道吾下石霜船子下夾山大悲菩薩有八萬
 四千母陀羅臂大悲有許多手眼諸人還有也無百夾云一切語言
 文字俱皆宛轉歸于自己雲巖常隨道吾咨參決擇一日問他道大
 悲菩薩用許多手眼作什麼當初好與他劈脊便棒免見後有許多
 葛藤道吾慈悲不能如此却與他說道理意要教他便會却道如人
 夜半背手摸枕头子當深夜無燈光時將手摸枕头子且道眼在什麼處
 他便道我會也吾云汝作麼生會巖云偏身是手眼吾云道即太煞
 道只道得八成巖云師兄又作麼生吾云通身是手眼且道偏身是
 底是通身是底是雖似爛泥却脫灑如今人多去作情解道偏身底
 不是通身底是只管咬他古人言句於古人言下死了殊不知古人
 意不在言句上此皆是事不獲已而用之如今下注脚立格則道若
 透得此公案便作罷參會以手摸渾身摸燈籠露柱盡作通身話會
 若恁麼會壞他古人不少所以道他參活句不參死句須是絕情塵

意想淨裸裸赤灑灑地方可見得大悲話不見曹山問僧應物現形
 如水中月時如何僧云如驢覷井山云道即煞道只道得八成僧云
 和尚又作麼生山云如井覷驢便同此意也你若去語上見總出道
 吾雲巖圈續不得雪竇作家更不向句下效直向頭上行頌云

偏身是四腋八節未是通身是額門上有半道拈來猶較十萬里

放過則不可展翅騰騰六合雲謂奇特點搏風鼓蕩四溟水此

塵埃將謂天下是何埃堪兮忽生重為禪人下洋脚那箇毫釐兮

未止別也吹散君不見又德去網珠垂範影重重箇去就可惜許依

舊打棒頭手眼從何起氣賦放過後張弓放你不得盡大地人無出

底是雪咄三喝四喝後作麼生也蓋切塵

偏身是通身是若道背手摸枕头子底便是以手摸身底便是若作恁
 麼見解盡向鬼窟裏作活計畢竟偏身通身都不是若要情識去
 見他大悲話直是猶較十萬里雪竇弄得一句活道拈來猶較十萬

里後句頌雲巖道吾奇特處云展翅鵬騰六合雲搏風鼓蕩四溟水
大鵬吞龍以翼搏風鼓浪其水開三千里遂取龍吞之雪竇道你若
大鵬能搏風鼓浪也太煞雄壯若以大悲千手眼觀之只是些子塵
埃忽生相似又似一毫釐風吹未止相似雪竇道你若以手摸身用
作手眼堪作何用於是大悲話上直是未在所以道是何埃堪兮忽
生那箇毫釐兮未止雪竇自謂作家一時拂迹了也爭奈後面依舊
漏逗說箇論子依前只在圈續裏君不見網珠垂範影重重雪竇引
帝網明珠以用垂範手眼且道落在什麼處華嚴宗中立四法界一
理法界明一味平等故二事法界明全理成事故三理事無礙法界
明理事相融大小無礙故四事事無礙法界明一事徧入一切事一
切事徧攝一切事同時交參無礙故所以道一塵纔舉大地全收一
一塵含無邊法界一塵既爾諸塵亦然網珠者乃天帝釋善法堂前
以摩尼珠爲網凡一珠中映現百千珠而百千珠俱現一珠中交映

重重主伴無盡此用明事事無礙法界也昔賢首國師立爲鏡燈諭
圓列十鏡中設一燈若看東鏡則九鏡鏡燈歷然齊現若看南鏡則
鏡鏡如然所以世尊初成正覺不離菩提道場而徧昇忉利諸天乃
至於一切處七處九會說華嚴經雪竇以帝網珠垂示事事無礙法
界然六相義甚明白卽總卽別卽同卽異卽成卽壞舉一相則六相
俱該但爲衆生日用而不知雪竇拈帝網明珠垂範况此大悲話直
是如此你若善能向此珠網中明得拄杖子神通妙用出入無礙方
可見得手眼所以雪竇云棒頭手眼從何起教你棒頭取證喝下承
當只如德山入門便棒且道手眼在什麼處臨濟入門便喝且道手
眼在什麼處且道雪竇未後爲什麼更着箇咄字參
垂示云聲前一句千聖不傳面前一絲長時無間淨裸裸赤灑灑頭
蓬鬆耳卓朔且道作麼生試舉看

九舉僧問智門如何是般若體通身無影象坐斷天下門云蚌含明

月何光吞萬象即且止。棒頭正眼事如僧云如何是般若用。倒退三千里。要

什麼門云。鬼子懷胎。論。不出。智門。窠窟。甜瓜。徹蒂。甜。回。光。影。中。作。活。體。是。般。若。用。且。要。上。上。加。泥。

智門道蚌含明月。鬼子懷胎都用中秋意。雖然如此。古人意却不在蚌壳上。他是雲門會下尊宿。一句語須具三句。所謂函蓋乾坤句。截斷衆流句。隨波逐浪句。亦不消安排。自然恰好。便去嶮處答。這僧話畧露些子鋒鋦。不妨奇特。雖然恁麼。他古人終不去弄光影。只與你指些路頭。教人見。這僧問如何是般若體。智門云。蚌含明月。漢江出蚌蚌中有明珠。到中秋月出蚌於水面浮開口。含月光感而產珠。合浦珠是也。若中秋有月則珠多。無月則珠少。如何是般若用。門云。鬼子懷胎。此意亦無異。鬼屬陰。中秋月生。開口吞其光。便乃懷胎。口中產兒。亦是有月則多。無月則少。他古人答處無許多事。他只借其意而答。盤若光也。雖然恁麼。他意不在言句上。自是後人去言句上作

活計。不見盤山道。心月孤圓。光吞萬象。光非照境。境亦非存。光境俱亡。復是何物。如今人但瞠眼喚作光。只去情上生解。空裏釘。擷古人道汝等諸人。六根門頭。晝夜放大光明。照破山河大地。不只止眼根放光。鼻舌身意亦皆放光也。到這裏直須打疊。六根下無一星事。淨裸裸赤灑灑。地方見此話。落處雪竇正恁麼。頌出。

一片虛凝絕。謂情擬心脚差動念。即人天從此見空生。須菩提好。用。這。老。漢。作。什。麼。設。使。三。千。里。蚌。含。玄。鬼。深。深。意。此。須。是。當。人。始。得。有。什。須。菩。提。也。倒。退。三。千。里。蚌。含。玄。鬼。深。深。意。麼。意。何。須。更。用。深。深。意。

曾與禪家作戰爭。打云。關。黎。契。得。多。少。一片虛凝絕。謂情雪竇一句。便頌得好。自然見得古人意。六根湛然。是箇什麼。只這一片虛明。凝寂不消去。天上討。也不必向別人求。自然常光現前。是處壁立千仞。謂情即是絕言。謂情塵也。法眼圓成。實性頌云。理極忘情。謂如何得。論齊到頭。霜夜月任運。落前溪。果熟兼猿重。山遙似路迷。舉頭殘照在。元是住居西。所以道。心是根。法是塵。

兩種猶如鏡上痕塵垢盡時光始現心法雙忘性即真又道三間茅屋從來住一道神光萬境閑莫把是非來辨我浮生穿鑿不相關只此頌亦見一片虛凝絕謂情也人天從此見空生不見須菩提巖中宴坐諸天雨花讚歎尊者云空中雨花讚歎復是何人天云我是梵天尊者云汝云何讚歎天云我重尊者善說般若波羅密多尊者云我於般若未嘗說一字汝云何讚歎天云尊者無說我乃無聞無說無聞是真般若又復動地雨花看他須菩提善說般若且不說體用若於此見得便可見智門道蚌含明月兔子懷胎古人意雖不在言句上爭奈答處有深深之旨惹得雪竇道蚌含玄兔深深意到這裏曾與禪家作戰爭天下禪和子鬧浩浩地商量未嘗有一人夢見在若要與智門雪竇同參也須是自着眼始得

佛果園悟禪師碧巖錄卷第九

佛果園悟禪師碧巖錄卷第十

垂示云超情離見去縛解粘提起向上宗乘扶豎正法眼藏也須十方齊應八面玲瓏直到恁麼田地且道還有同得同證同歿同生底麼試舉看

舉鹽官一日喚侍者與我將犀牛扇子來打高藤不少何似侍者

云扇子破也消息道什麼官云扇子既破還我犀牛兒來消息侍者

出恐頭角不全三則也是侍者無對果然無孔投子云不辭將

錯就錯石霜云若還和尚即無也道什麼雪竇拈云犀牛兒猶

在認取資福畫一圓相於中書一牛字草裏不勞拈雪竇拈

云適來爲什麼不將出是草裏漢保福云和尚年尊別請人好

鹽官一日喚侍者與我將犀牛扇子來此事雖不在言句上且要驗

人平生意氣作畧。又須得如此藉言而顯於臘月三十日。着得力作得至萬境。縱然靚之不動。可謂無功之功。無力之力。鹽官迺齊安禪師。古時以犀牛角為扇。時鹽官豈不知犀牛角子破。故問侍者侍者云。扇子破也。看他古人十二時中常在裏許。撞着磕着。鹽官云。扇子既破。還我犀牛兒來。且道他要犀牛兒作什麼也。只要驗人。知得落處也。無投子云。不辭將出。恐頭角不全。雪竇云。我要不全底頭角。亦向句下便投機。石霜云。若還和尚即無也。霜竇云。犀牛兒猶在。資福畫一圓相於中書。一牛字為他承嗣。仰山平生愛以境致接人。明此事。雪竇云。適來為什麼不將出。又穿他鼻孔了也。保福云。和尚年尊。別請人好。此語道得穩當前。三則語却易見。此一句語有遠意。雪竇亦打破了也。山僧舊日在慶藏王處理會道。和尚年尊。老耄得頭忘尾。適來索扇子。如今索犀牛兒。難為執侍。故云。別請人好。雪竇云。可惜勞而無功。此皆是下語格式。古人見徹此事。各各雖不同。道得出。

來百發百中。須有出身之路。句句不失血脉。如今人問着。只管作道理計較。所以十二時中。要人咬嚼。教滴水滴凍。求箇證悟處。看他雪竇頌一申云。

七恭切謹也

犀牛扇子用多時。遇夏則涼。遇冬則暖。人具問着。元來總不知。
 風再復頭角重生。他力。因什麼問着。總不知還道得麼。請禪客各下一轉語。鹽官猶在。問云。扇子既破。還我犀牛兒來。也有一箇半。
 拖鈎釣鯢鯨。釣得箇蝦蟇。便下座。招得他。恁麼地。賊過後。張弓。佛這僧道。大衆參堂去。是會不會。若是不會。爭解恁麼道。若道會時。雪竇又道。拖鈎釣鯢鯨。只釣得箇蝦蟇。便下座。且道請誰在什麼處。試請看。
 犀牛扇子用多時。問着元來總不知。人人有箇犀牛扇子。十二時中。

全得他力。爲什麼問着。總不知去着。侍者投子。乃至保福。亦總不知。且道。雪竇還知麼。不見無着。訪文殊。喫茶次。文殊舉起玻璃盞子。云。南方還有這箇麼。着云。無殊云。尋常用什麼喫茶。着無語。若知得。這箇公案。落處。便知得。犀牛扇子。有無限清風。亦見犀牛頭角。崢嶸四角。重生。請禪客各下一轉語。問云。扇子既破。還我犀牛兒來。時有一禪客出云。大衆參堂去。這僧奪得王家權柄。道得也。煞道。只道得八成。若要十成。便與掀倒禪床。你且道。這僧會犀牛兒。不會。若不會。却解恁麼道。若會。雪竇因何不肖伊。爲什麼道。拋鉤釣鯤鯨。只釣得箇蝦蟆。且道。畢竟作麼生。諸人無事。試拈撥看。

垂示云。動絃別曲。千載難逢。見鬼放鷹。一時取俊。總一切語言。爲一句。攝大千沙界。爲一塵。同歎同生。七穿八穴。還有證據者麼。試舉看。
舉世尊一日陞座。賓主俱失。不文殊白槌云。諦觀法王法。法王法。

如是親得世尊便下座殺人莫向愁人說。說向愁人愁。

世尊未拈花已前。早有這箇消息。始從鹿野苑。終至拔提河。幾曾用着金剛王寶劍。當時衆中。若有衲僧。氣息底。漢綽得去。免得他未後拈花。一場狼藉。世尊良久。問被文殊一授。便下座。那時也有這箇消息。釋迦掩室。淨名杜口。皆似此。這箇則已說了也。如肅宗問忠國師。造無縫塔話。又如外道問佛。不問有言。不問無言之語。看佗向上人行履。幾曾入鬼窟裏。作活計。有者道。意在默然處。有者道。在良久處。有言明。無言底事。無言明。有言底事。永嘉道。默時說說。時默。總恁麼會。三生六十劫也。未夢見在。你若便直下承當得去。更不見有凡有聖。是法平等。無有高下。日日與三世諸佛。把手共行。後面看雪竇自然見得。頌出。

列聖叢中作者知。莫謗釋迦老子。好還佗。臨濟德。法王法令不知。斯隨他走底。如麻似栗。三頭兩會中。若有仙陀客。就中難得。不是作。

家開黎
定不是何必文殊下一槌更下
總不要當機何妨
第一第三槌

列聖叢中作者知靈山八萬大衆皆是列聖文殊普賢乃至彌勒主
伴同會須是巧中之巧奇中之奇方知他落處雪竇意謂列聖叢中
無一箇人知有若有箇作家者方知不恁麼何故文殊白槌云諦觀
法王法法王法知是雪竇道法王法令不如斯何故如此當時會中
若有箇漢頂門具眼肘後有符向世尊未陞座已前覷得破更何必
文殊白槌涅槃經云仙陀婆一名四實一者鹽二者水三者器四者
馬有一智臣善會四義王若欲灑洗要仙陀婆臣即奉水食索奉鹽
食訖奉器飲漿欲出奉馬隨意應用無差灼然須是箇伶俐漢始得
只如僧問香嚴如何是王索仙陀婆嚴云過這邊來僧過嚴云鈍置
殺人又問趙州如何是王索仙陀婆州下禪床曲躬叉手當時若有
箇仙陀婆向世尊未陞座已前透去猶較此子世尊更陞座便下去
已是不着便了也那堪文殊更白槌不妨鈍置他世尊一上提唱且

作麼生是鈍置處

三舉僧問大光長慶道因齋慶讚意旨如何鍾光這漆桶不妨
疑着不問不知大光

作舞莫賺
從前僧禮拜又恁麼
則是只光云見箇什麼便禮

拜辨也
過好僧作舞依樣
弄光光云這野狐精此思難
報三十

二祖只
傳這箇

西天四七唐土二三只傳這箇些子諸人還知落處麼若知免得此
過若不知依舊只是野狐精有者道是裂轉他鼻孔來瞞人若真箇
恁麼成何道理大光善能為人他句中有出身之路大凡宗師須與
人抽釘拔楔去粘解縛方謂之善知識大光作舞這僧禮拜未後僧
却作舞大光云這野狐精不是轉這僧畢竟不知的當你只管作舞
遞相恁麼到幾時得休歇去大光道野狐精此語截斷金牛不妨奇
特所以道他參活句不參死句雪竇只愛他道這野狐精所以頌出
且道這野狐精與藏頭白海頭黑是同是別這漆桶又道好師僧且

道是同是別還知麼觸處逢渠雪竇頌云

前箭猶輕後箭深什麼處迴避誰云黃葉是黃金且作止啼也無用處

曹溪波浪如相似樣畫貓兒放行一路無限平人被陸沈過着

人帶累天下初僧摸索不着帶累關黎出頭不得

前箭猶輕後箭深大光作舞是前箭復云這野狐精是後箭此是從上來爪牙誰云黃葉是黃金仰山示衆云汝等諸人各自回光返照莫記吾言汝等無始劫來芥明投暗妄想根深卒難頓拔所以假設方便奪汝龕識如將黃葉止小兒啼如將蜜果換苦葫蘆相似古人權設方便爲人及其啼止黃葉非金世尊說一代時教也只是止啼之說這野狐精只要換他業識於中也有權實也有照用方見有衲僧巴鼻若會得如虎插翼曹溪波浪如相似儻忽四方八面學者只管大家如此作舞一向恁麼無限平人被陸沉有什麼救處垂示云聲前一句千聖不傳面前一絲長時無間淨躑躅赤灑灑露

地白牛眼卓朔耳卓朔金毛獅子則且置且道作麼生是露地白牛

四舉楞嚴經云吾不見時何不見吾不見之處好箇消息用見作什麼釋迦老子漏逗不

若見不見自然非彼不見之相山僧作兩頭三面向去也若不見

吾不見之地何什麼處去也自然非物按牛頭喫草更說云何非

汝說你對我總沒交涉打去脚跟下自家看取還會麼

楞嚴經云吾不見時何不見吾不見之處若見不見自然非彼不見之相若不見吾不見之地自然非物云何非汝雪竇到此引經文不盡全引則可見經云若見是物則汝亦可見吾之見若同見者名爲見吾吾不見時何不見吾不見之處若見不見自然非彼不見之相若不見吾不見之地自然非物云何非汝辭多不錄阿難意道世界燈籠露柱皆可有名亦要世尊指出此妙精元明喚作什麼物教我見佛意世尊云我見香臺阿難云我亦見香臺即是佛見世尊云我見香臺則可知我若不見香臺時你作麼生見阿難云我不見香臺

時即是見佛。佛云：我云不見，自是我知；汝云不見，自是汝知。他人不見處，你如何得知？古人云：到這裏，只可自知，與人說不得。只如世尊道：吾不見時，何不見？吾不見之處，若見不見，自然非彼不見之相。若不見，吾不見之地，自然非物。云何非汝？若道認見為有物，未能拂迹。吾不見時，如羚羊掛角，聲響蹤跡，氣息都絕。你向什麼處摸索？經意初縱破後，奪破雪竇出教，眼頌亦不頌物，亦不頌見與不見，直只頌見佛也。

全象全牛醫不殊

半邊瞎漢，半開半合，扶籬。摸壁作什麼。一刀兩段。

從來作者共名模

四七唐土二三。天下老和尚。如麻似粟。猶自少在。

如今要見黃頭老

咄。這老胡瞎漢。在你脚跟下。利利

塵塵在半途

脚跟下。差過了也。更教山僧。說什麼。驢年還曾夢見麼。

全象全牛醫不殊。衆盲摸象，各說異端。出涅槃經：僧問仰山和尚見人問禪，問道便作一圓相於中書牛字，意在於何。仰山云：這箇也是閑事。忽若會得不從外來，忽若不會決定不識。我且問你：諸方老宿

於你身上指出那箇是你佛性，為復語底是默底，是莫是不語不默底，是為復總，是為復總，不是你若認語底是如盲人摸着象尾，若認默底是如盲人摸着象耳，若認不語不默底是如盲人摸着象鼻，若道物物都是如盲人摸着象四足，若道總不是拋木象落在空見，如是衆盲所見，只於象上名邈差別。你要好切莫摸象，莫道見覺是亦莫道不是。祖師云：菩提本無樹，明鏡亦無臺，本來無一物，爭得染塵埃。又云：道本無形相，智慧即是道。作此見解者，是名真般若。明眼人見象得其全體，如佛見性亦然。全牛者，出莊子：庖丁解牛，未嘗見其全牛。順理而解，游刃自在，更不須下手。纔舉目時，頭角蹄肉，一時自解了。如是十九年，其刃利如新發於硯，謂之全牛。雖然如此，奇特雪竇道：縱使得如此，全象全牛與眼中醫更不殊。從來作者共名摸，直是作家也。去裏頭摸索不着，自從迦葉乃至西天，此土祖師，天下老和尚皆只是名摸雪竇直截道：如今要見黃頭老，所以道要見即便

見更要尋覓方見則千里萬里也黃頭老乃黃面老子也你如今要見利利塵塵在半途尋常道一塵一佛利一葉一釋迦盡三千大千世界所有微塵只向一塵中見當恁麼時猶在半途那邊更有半途在且道在什麼處釋迦老子尚自不知教山僧作麼生說得

查計切目疾

垂示云有佛處不得住住著頭角生無佛處急走過不走過草深一丈直饒淨裸裸赤灑灑事外無機機外無事未免守株待兔且道總不恁麼作麼生行履試舉看

舉長慶有時云寧說阿羅漢有三毒焦數不不說如來有二種語

已老不道如來無語是猶自顛頂早只是無二種語

保福云情知你向第二頭道手觸得明眼人慶云作麼生

是如來語錯却較些子保福云喫茶去領復云還了會

長慶保福在雪峯會下常互相舉覺商量一日平常如此說話云寧說阿羅漢有三毒不說如來有二種語梵語阿羅漢此云殺賊以功能彰名能斷九九八十一品煩惱諸漏已盡梵行已立此是無學阿羅漢位三毒即是貪嗔癡根本煩惱八十一品尚自斷盡何況三毒長慶道寧說阿羅漢有三毒不說如來有二種語大意要顯如來無不實語法華經云唯此一事實餘二則非真又云唯有一乘法無二亦無三世尊三百餘會觀機逗教應病與藥萬種千般說法畢竟無二種語他意到這裏諸人作麼生見得佛以一音演說法則不無長慶要且未夢見如來語在何故大似人說食終不能飽保福見他平地上說教遂問作麼生是如來語慶云聾人爭得聞這漢知他幾時在鬼窟裏作活計來也保福云情知你向第二頭道果中其言却問師兄作麼生是如來語福云喫茶去鎗頭倒被別人奪却了也大小長慶失錢遭罪且問諸人如來語還有幾箇須知恁麼見得方見這

兩箇漢敗缺子細檢點將來盡合喫棒放一線道與他理會有底云
 保福道得是長慶道得不是只管隨語生解便道有得有失殊不知
 古人如擊石火似閃電光如今人不去他古人轉處看只管去句下
 走便道長慶當時不使用所以落第二頭保福云喫茶去便是第一
 頭若只恁麼看到彌勒下生也不見古人意若是作家終不作這般
 見解跳出這窠窟向上自有一條路你若道聾人爭得聞有什麼不
 是處保福云喫茶去有什麼是處轉沒交涉是故道他參活句不參
 灰句這因緣與徧身是通身是因緣一般無你計較是非處須是你
 脚跟下淨裸裸地方見古人相見處五祖老師云如馬前相撲相似
 須是眼辨手親這箇公案若以正眼觀之俱無得失處辨箇得失無
 親疎處分箇親疎長慶也須禮拜保福始得何故這箇些子巧處用
 得好如電轉星飛相似保福不妨牙上生牙爪上生爪頌云
 頭兮第一第二我王庫中無如是事古今榜樣隨邪逐惡作什麼臥龍不鑿止水同道無

處有月波澄

四海孤舟獨自行

有處無風浪起

劫殺人還覺寒

來稜禪客稜禪客

勾賊破家鬧市裏

三月禹門遭點額

萬中無一人

只得飲氣吞聲

頭兮第一第二人只管理會第一第二正是灰水裏作活計這箇機
 巧你只作第一第二會且摸索不着在雪竇云臥龍不鑿止水灰水
 裏豈有龍藏若是第一第二正是止水裏作活計須是洪波浩渺白
 浪滔天處方有龍藏正似前頭云澄潭不許蒼龍蟠不見道灰水不
 藏龍又道臥龍長怖碧潭清所以道無龍處有月波澄風恬浪靜有
 龍處無風起浪人似保福道喫茶去正是無風起浪雪竇到這裏一
 時與你打疊情解頌了也佗有餘韻教成文理依前就裏頭看一隻
 眼也不妨奇特却道稜禪客稜禪客三月禹門遭點額長慶雖是透
 龍門底龍却被保福驀頭一點

舉趙州示衆三轉語道什麼三

趙州示此三轉語了未後却云真佛屋裏坐這一句忒煞即當他古
 人出一隻眼垂手接人畧借此語通箇消息要為人你若一向正令
 全提法堂前草深一丈雪竇嫌他未後一句漏逗所以削去只頌三
 句泥佛若渡水則爛却了也金佛若渡鑑中則鎔却了也木佛若渡
 火便燒却了也有什麼難會雪竇一百則頌古計較葛藤唯此三頌
 直下有衲僧氣息只是這頌也不妨難會你若透得此三頌便許你
 罷參

泥佛不渡水

無風起浪神光照天地
見他什麼事
 立雪如未休

泥佛不渡水

神光照天地
這一句頌分明
 且道為什麼却引神光

二祖初生時神光燭室直於霄漢又一夕神人現謂二祖曰何人

此汝當得道時至宜即南之二祖以神遇遂名神光久居伊洛博極

群書每嘆曰孔老之教祖迹風規近聞達磨大師住少林乃往彼處

夕參扣達磨端坐面壁莫問誨勵光自村曰昔人亦道敵骨出髓刺
 血濟飢布髮掩泥投崖餉虎古尚若此我又何如其年十二月九日
 夜大雪二祖立於砌下遲明積雪過膝達磨憫之曰汝立雪於此當
 求何事二祖悲淚曰惟願慈悲開甘露門廣度羣品達磨曰諸佛妙
 道曠劫精勤難行能行非忍而忍豈以小德小智輕心慢心欲冀真
 乘無有是處二祖聞誨勵向道益切潛取利刀自斷左臂致于達磨
 前磨知是法器遂問曰汝立雪斷臂當為何事二祖曰某甲心未安
 乞師安心磨曰將心來與汝安祖曰覓心了不可得達磨云與汝安
 心竟後達磨為易其名曰慧可後接得三祖燦大師既傳法隱於舒
 州皖公山屬後周武帝破滅佛法沙汰僧師往來太湖縣司空山居
 無常處積十餘載無人知者宣律師高祖傳載二祖事不詳三祖傳
 云二祖妙法不傳於世賴值未後依前悟他當時立雪所以雪竇道
 立雪如未休何人不雕偽立雪若未休足恭諂詐之人皆效之一時

只成雕偽則是詭詐之徒也。雪竇頌泥佛不渡水爲什麼却引這因緣來用他參得意根下無一星事淨眼躲地方頌得如此五祖尋常教人看此三頌豈不見洞山初和尚有頌示衆云五臺山上雲蒸飯古佛堂前狗尿天利竿頭上煎餛飩子三箇胡孫夜斲錢又杜順和尚道懷州牛喫禾益州馬腹脹天下覓醫人灸豬左膊上又傳大士頌云空手把鋤頭步行騎水牛人從橋上過橋流水不流又云石人機似汝也解唱巴歌汝若似石人雪曲應須和若會得此語便會他雪竇頌

雪竇頌 將樹友過也

金佛不渡鑪天却人來訪紫胡又恁麼去也只牌中數

箇字不識字底貓兒也無話會處不清風何處無又恁麼去也

下漫漫又 云來也 **院** 戶版切明貌

金佛不渡鑪人來訪紫胡此一句亦頌了也爲什麼却引人來訪紫胡須是作家鑪鑪始得紫胡和尚山門立一牌牌中有字云紫胡有

一狗上取人頭中取人腰下取人脚擬議則喪身失命凡見新到便喝云看狗僧纔回首紫胡俠歸方丈且道爲什麼却咬趙州不得紫胡又一夕夜深於後架叫云捉賊捉賊黑地逢着一僧攔臂捉住云捉得也捉得也僧云和尚不是某甲胡云是則是只是不肯承當你若會得這話便許你咬殺一切人處處清風凜凜若也未然牌中數箇字決定不奈何若要見他但透得盡方見頌云

木佛不渡火燒却常思破竈墮東行西行有何杖子忽擊着

在山僧手裏山僧不方知辜負我你相似摸索不着有何

木佛不渡火常思破竈墮此一句亦頌了雪竇因此木佛不渡火常

思破竈墮高山破竈墮和尚不稱姓字言行叵測隱居嵩山一日頌徒入山鳩間有廟甚靈殿中唯安一竈遠近祭祀不輟烹殺物命甚多師入廟中以柱杖敲竈三下云咄汝本博土合成靈從何來聖從

何起。恁麼烹殺物命。又乃擊三下。竈乃自傾破墮落。須臾有一人青
衣。我冠。忽然立師前。設拜曰。我乃竈神。久受業報。今日蒙師說無生
法。已脫此處。生在天中。特來致謝。師曰。汝本有之性。非吾強言。神再
拜而沒。侍者曰。某甲等。久參侍和尚。未蒙指示。竈神得何徑旨。便乃
生天。師曰。我只向伊道。汝本博土合成。靈從何來。聖從何起。侍僧俱
無對。師云。會麼。僧云。不會。師云。禮拜着。僧禮拜。師云。破也。破也。墮也。
墮也。侍者忽然大悟。後有僧舉似安國師。師歎云。此子會盡物。我一
知竈神悟。此則故是其僧。乃五蘊成身。亦云破也。墮也。二俱開悟。且
四大五蘊。與博瓦泥土。是同。是別。既是如此。雪竇爲什麼道。杖子忽
擊着。方知辜負我。因甚却成箇辜負去。只是未得拄杖子在。且道。雪
竇頌。木佛不渡火。爲什麼却引破竈墮公案。老僧直截與你說。他意
只是絕得失情。塵意想淨。裸裸地。自然見他親切處也。
垂示云。拈一放一。未是作家舉。一明三。猶乖宗旨。直得天地陡變四

方絕唱。雷奔電馳。雲行雨驟。傾瀉倒嶽。灑瀉盆傾。也未提得。一半在。
還有解轉。天關能移。地軸底麼。試舉看。

舉金剛經云。若爲人輕賤。故又放一線道。是人先世罪業。應墮惡道。以今世人輕賤。故道指墮也。今世人輕賤。故。則。忍。受。未。先世罪業。應墮惡道。以今世人輕賤。故爲消滅重。如。湯。消。水。

金剛經云。若爲人輕賤。是人先世罪業。應墮惡道。以今世人輕賤。故
先世罪業。則爲消滅。只據平常講究。乃經中常論。雪竇拈來。頌這意。
欲打破教家鬼窟裏活計。昭明太子科。此一分爲能淨業障。教中大
意說。此經靈驗。如此之人。先世造地獄業。爲善力強。未受。以今世人
輕賤。故先世罪業。則爲消滅。此經故能消無量劫來罪業。轉重成輕。
轉輕不受。復得佛果菩提。據教家轉此二十餘張經。便喚作持經。有
什麼交涉。有底道。經自有靈驗。若恁麼。你試將一卷。放在閑處。看他
有感應也。無法眼云。證佛地者。名持此經。經中云。一切諸佛及諸佛

阿耨多羅三藐三菩提法皆從此經出且道喚什麼作此經莫是黃
卷赤軸底是麼且莫錯認定盤星金剛諭於法體堅固故物不能壞
利用故能摧一切物擬山則山摧擬海則海竭就諭彰名其法亦然
此般若有三種一實相般若二觀照般若三文字般若實相般若者
卽是真智乃諸人脚跟下一段大事輝騰今古迴絕知見淨裸裸亦
灑灑者是觀照般若者卽是真境二六時中放光動地聞聲見色者
是文字般若者卽能詮文字卽如今說者聽者且道是般若不是般
若古人道人人有一卷經又道手不執經卷常轉如是經若據此經
靈驗何止轉重令輕轉輕不受設使敵聖功能未爲奇特不見龐居
士聽講金剛經問座主曰俗人敢有小問不知如何至云有疑請問
士云無我相無人相旣無我人相教阿誰講阿誰聽座主無對却云
某甲依文解義不知此意居士乃有頌云無我亦無人作麼有踈親
勸君休歷座爭似直疋真金剛般若性外絕一纖塵我聞并信受總

是假稱名此頌最好分明一時說了也圭峰科四句偈云凡所有相
皆是虛妄若見諸相非相卽見如來此四句偈義全同證佛地者名
持此經又道若以色見我以音聲求我是人行邪道不能見如來此
亦是四句偈但中間取其義全者僧問晦堂如何是四句偈晦堂云
話墮也不知雪竇於此經上指出若有人持此經者卽是諸人本地
風光本來面目若據祖令當行本地風光本來面目亦斬爲三段三
世諸佛十二分教不消一捏到這裏設使有萬種功能亦不能管得
如今人只管轉經都不知是箇什麼道理只管道我一日轉得多少
只認黃卷赤軸巡行數墨殊不知全從自己本心上起這箇唯是轉
處些子大珠和尚云向空屋裏堆數函經看他放光麼只以自家一
念發底心是功德何故萬法皆出於自心一念是靈旣靈卽通旣通
卽變古人道青青翠竹盡是真如鬱鬱黃花無非般若若見得徹去
卽是真如忽未見得且道作麼生喚作真如華嚴經云若人欲了知

三世一切佛應觀法界性一切唯心造你若識得去逢境遇緣為主
為宗若未能明得且伏聽處弁雪竇出眼頌大槩要明經靈驗也頌
云

明珠在掌上通霄漢下徹黃泉道什有功者賞多少分明隨他去

胡漢不來內外絕消息全無伎倆展轉沒交涉向什麼處伎

兩既無誰去歇去阿波旬失途魔王弄蹤跡不見瞿曇瞿曇

明珠在掌有功者賞若有人持得此經有功驗者則以珠賞之他得

此珠自然會用胡來胡現漢來漢現萬象森羅縱橫顯現此是有功

勲法眼云證佛地者名持此經此兩句頌公案畢胡漢不來全無伎

倆雪竇裂轉鼻孔也有胡漢來則教你現若忽胡漢俱不來時又且

如何到這裏佛眼也顯不見且道是功勲是罪業是胡是漢直似於

羊掛角莫道聲響蹤跡氣息也無向什麼處摸索至使諸天棒花無

路魔外潛覷無門是故洞山和尚一生住院土地神竟他蹤跡不見

一日厨前拋撒米麩洞山起心曰常住物色何得作踐如此土地神

遂得一見便禮拜雪竇道伎倆既無若到此無伎倆處波旬也教失

途世尊以一切衆生為赤子若有一人發心修行波旬宮殿為之振

裂他便來惱亂修行者雪竇道直饒波旬恁麼來也須教失却途路

無近傍處雪竇更自點宵云瞿曇瞿曇識我也無莫道是波旬任是

佛來還識我也無釋迦老子尚自不見諸人向什麼處摸索復云勘

破了也且道是雪竇勘破瞿曇瞿曇勘破雪竇具眼者試定當看

垂示云一夏嘮嘮打葛藤幾手絆倒五湖僧金剛寶劍當頭截始覺

從來百不能且道作麼生是金剛寶劍貶上眉毛試請露鋒鋷看

舉天平和尚行脚時參西院常云莫道會佛法覓箇舉話人也無

西院云錯也須是鑪裏煨過始得旁腹刺心三平行三兩步

重公西院云錯要印開朱點窄未容擬議王寶分

已是半前落後西院又云錯劈腹刺心人皆喚作兩重公案平

近前展轉摸索不着西院云適來這兩錯是西院錯是上座錯箭前

猶輕後平云從漪錯錯認馬鞍橋喚作爺下領似恁麼西院云錯

加雪上平休去錯認定盤星果然不知落處西院云且在這裏過夏

待共上座商量這兩錯西院尋常春深硬似鐵平當時便行也似

似則似是後任院謂衆云也須是點過我當初行脚時被業風吹

到思明長老處連下兩錯更留我過夏待共我商量我不道恁麼

時錯我發足向南方去時早知道錯了也錯爭奈這兩錯何千錯萬

當秋於宜切水文也

思明先參大覺後承嗣前寶壽一日問踏破化城來時如何壽云利

劍不斬灰漢明云斬壽便打思明十回道斬壽十回打云這漢着甚

灰急將箇灰灰抵他痛棒遂喝出其時有一僧問寶壽云適來問話

底僧甚有道理和尚方便接他寶壽亦打趕出這僧且道寶壽亦趕

這僧唯當道他說是說非且別有道理意作麼生後來俱承嗣寶壽

思明一日出見南院院問云甚處來明云許州來院云將得什麼來

明云將得箇江西剃刀獻與和尚院云既從許州來因甚却有江西

剃刀明把院手拍一拍院云侍者取取思阿刺刺天平曾參進山主

來為他到諸方參得些蘿蔔頭禪在肚皮裏到處便輕開口道我

會禪會道常云莫道會佛法竟箇舉話人也無屎臭氣薰人只管放

輕薄且如諸佛未出世祖師未西來未有問答未有公案已前還有

禪道麼古人事不獲已對機垂示後人喚作公案因世尊拈花迦葉

微笑後來阿難問迦葉世尊傳金襴外別傳何法迦葉云阿難阿難

應諾迦葉云倒却門前利竿着只如未拈花阿難未問已前甚處得

公案來只管被諸方冬瓜印子印定了便道我會佛法奇特莫教人

知天平正如此被西院叫來連下兩錯直得周惺惶怖分踈不下前

不構村後不迭店有者道說箇西來意早錯了也殊不知西院這兩

錯落處諸人且道落在什麼處所以道他參活句不參死句天平舉頭已是落二落三了也西院云錯他却薦得當陽用處只道我肚皮裏有禪莫管他又行三兩步西院又云錯却依舊黑漫漫地天平近前西院云通來兩錯是西院錯是上座錯天平云從滿錯且喜沒交涉已是第七第八頭了也西院云且在這裏度夏待共上座商量這兩錯天平當時便行似則也似是則未是也不道他不是只是趕不上雖然如是却有些子衲僧氣息天平後住院謂眾云我當初行脚時被業風吹到思明和尚處連下兩錯更留我度夏待共我商量我不道怎麼時錯我發足向南方去時早知道錯了也這漢也煞道只是落第七第八頭料掉沒交涉如今人聞他道發足向南方去時早知道錯了也便去卜度道未行脚時自無許多佛法禪道及至行脚被諸方熱瞞不可未行脚時喚地作天喚山作水幸無一星事若總信麼作流俗見解何不買一片帽戴大家過時有什麼用處佛法

不是這箇道理若論此事豈有許多般葛藤你若道我會他不會擔一擔禪透天下走破明眼人勘破一點也使不着雪竇正如此頌出

禪家流漆桶一愛輕薄也有此子阿佛滿肚參來用不着用處方

初悔行脚未行脚已前錯了也踏破錯錯是什麼雪竇已西院清

風頓銷鑠和尚亦須倒退三千始得斯會得許你天下橫行復

云忽有箇衲僧出云錯猶較些子雪竇錯何似天平錯世據款結

禪家流愛輕薄滿肚參來用不着這漢會則會只是用不得尋常目

視雲霄道他會得多少禪及至向烘鑪裏纔烹元來一點使不着五

祖先師道有一般人參禪如琉璃瓶裏搗糝糕相似更動轉不得抖

撒不出觸着便破若要活潑潑地但參皮殼漏子禪直向高山上撲

將下來亦不破亦不壞古人道設使言前薦得猶是滯殼迷封直饒

將下來亦不破亦不壞古人道設使言前薦得猶是滯殼迷封直饒

將下來亦不破亦不壞古人道設使言前薦得猶是滯殼迷封直饒

句下精通未免觸途狂見堪悲堪笑天平老却謂當初悔行脚雪竇
 道堪悲他對人說不出堪笑他會一肚皮禪更使些子不着錯錯這
 兩錯有者道天平不會是錯又有底道無語底是錯有什麼交涉殊
 不知這兩錯如擊石火似閃電光是他向上人行履處如仗劍斬人
 直取入咽喉命根方斷若向此劍刃上行得便七縱八橫若會得兩
 錯便可以見西院清風頓銷鏢雪竇上堂舉此話了意道錯我且問
 你雪竇這錯何似天平錯且參三十年

垂示云龍吟霧起虎嘯風生出世宗猷金玉相振通方作略箭鋒相
 拄徧界不藏遠近齊彰古今明辨且道是什麼人境界試舉看

舉肅宗帝問忠國師如何是十身調御作家君王大唐天子也合

履無憂國師云檀越踏毗盧頂上行須彌那畔把手共帝云寡人不

會何不領話可惜許好彩不分付國師云莫認自己清淨法身帝當時便喝更用會作什麼

高藤却有出身處醉後即當愁殺人

肅宗皇帝在東宮時已參忠國師後來即位敬之愈篤出入迎送躬
 自捧車輦一日致箇問端來問國師云如何是十身調御師云檀越
 踏毘盧頂上行國師平生一條脊梁骨硬如生鐵及至帝王面前如
 爛泥相似雖然答得廉纖却有箇好處他道你要會得檀越須是向
 毘盧頂額上行始得他却薦更道寡人不會國師後面忒煞即當
 落草更注頭上底一句云莫錯認自己清淨法身所謂人人具足箇
 箇圓成看他一放一收八面受敵不見道善為師者應機設教看風
 使帆若只僻守一隅豈能回互看它黃檗老善能接人遇着臨濟三
 回便痛施六十棒臨濟當下便會去及至為裴相國葛藤忒煞此豈
 不是善為人師忠國師善巧方便接肅宗帝蓋為他有八面受敵底
 手段十身調御者即是十種他受用身法報化三身即法身也何故
 報化非真佛亦非說法者據法身則一片虛疑靈明寂照太原乎上
 座在揚州光孝寺講涅槃經有游方僧即夾山典座在寺阻雪因往

聽講講至三因佛性三德法身廣談法身妙理典座忽然失笑孚乃
日顧講罷令講禪者問云某素智狹劣依文解義適來講次見上人
失笑某必有所短之處請上人說典座云座主不問卽不敢說座主
既問則不可不言某實是笑座主不識法身孚云如此解說何處不
是典座云請座主更說一徧孚曰法身之理猶若太虛豎窮三際橫
亘十方彌綸八極包括二儀隨緣赴感靡不周徧典座曰不道座主
說不是只識得法身量邊事實未識法身在孚曰既然如是禪者當
爲我說典座曰若如是座主暫輟講旬日於靜室中湍然靜慮收心
攝念善惡諸緣一時放却自窮究看孚一依所言從初夜至五更聞
鼓角鳴忽然契悟便去叩禪者門典座曰阿誰孚曰某甲典座咄曰
教汝傳持大教代佛說法夜半爲什麼醉酒臥街孚曰自來講經將
生身父母鼻孔扭捏從今日已後更不敢如是看他奇特漢豈只去
認箇昭昭靈靈落在驢前馬後須是打破業識無一絲毫頭可得猶

只得一半在古人道不起纖毫修學心無相光中常自在但識常寂
滅底莫認聲色但識靈知莫認妄想所以道假使鐵輪頂上旋定慧
圓明終不失達磨問二祖汝立雪斷臂當爲何事祖曰某甲心未安
乞師安心磨云將心來與汝安祖曰覓心了不可得磨曰與汝安心
竟二祖忽然領悟且道正當恁麼時法身在什麼處長沙云學道之
人不識真只爲從前認識神無量劫來生歿本癡人喚作本來人如
今人只認得箇昭昭靈靈便瞠眼努目弄精魂有什麼交涉只如他
道莫認自己清淨法身且如自己法身也未夢見在更說什麼莫
認教家以清淨法身爲極則爲什麼却不教人認不見道認着依前
還不是咄好便與棒會得此意者始會他道莫認自己清淨法身雪
竇嫌他老婆心切爭奈爛泥裏有刺豈不見洞山和尚接人有三路
所謂玄路鳥道展手初機學道且向此三路行履僧問師尋常教學
人行鳥道未審如何是鳥道洞山云不逢一人僧云如何行山云直

須足下無私去僧云只如行鳥道莫便是本來面目否山云聞黎因
什麼顛倒僧云什麼處是學人顛倒處山云若不顛倒為什麼認奴
作郎僧云如何是本來面目山云不行鳥道須是見到這般田地
有少分相應直下打疊教削迹吞聲猶是衲僧門下沙彌童行見解
在更須回首塵勞繁興大用始得雪竇頌云 足下無私 一作無絲

一國之師亦強名何必空花水月南陽獨許振嘉聲果然坐斷要津

上行天上一切人何不恁麼去得真天子可憐生接得衲僧曾踏毗盧頂

之間更何物躡海沙撒音全三千利海夜沉沉高着眼把定

不知誰入蒼龍窟三十棒一棒也少不得拈了也還會麼

一國之師亦強名南陽獨許振嘉聲此頌一似箇真贊相似不見道

至人無名喚作國師亦是強安名了國師之道不可比倫善能恁麼

接人獨許南陽是箇作家大唐扶得真天子曾踏毗盧頂上行若是
具眼衲僧眼腦須是向毗盧頂上行方見此十身調御佛謂之調御
便是十號之一數也一身化十身十身化百身乃至千百億身大綱
只是一身這一頌却易說後頌他道莫認自己清淨法身須得水灑
不着直是難下口說鐵鎚擊碎黃金骨此頌莫認自己清淨法身雪
竇忒煞讚歎他黃金骨一鎚擊碎了也天地之間更何物直須淨裸
裸赤灑灑更無一物可得乃是本地風光一似三千利海夜沉沉三
千大千世界香水海中有無邊刹一刹有一海正當夜靜更深時天
地一時澄澄地且道是什麼切忌作閉目合眼會若恁麼會正墮在
毒海不知誰入蒼龍窟展脚縮脚且道是誰諸人鼻孔一時被雪竇
穿却了也 沉沉 一作澄澄

垂示云收因結果盡始盡終對面無私元不曾說忽有箇出來道一
夏請益為什麼不曾說待你悟來向你道且道為復是當面諱却為

復別有長處試舉看

舉僧問巴陵如何是吹毛劍嶺云珊瑚枝枝撐着月光吞萬象四海九州
 巴陵不動干戈四海五湖多少人舌頭落地雲門接人正如此他是
 雲門的子亦各具箇作畧是故道我愛韶陽新定機一生與人抽釘
 拔楔這箇話正恁麼地也於一句中自然具三句函蓋乾坤句截斷
 衆流句隨波逐浪句答得也不妨奇特浮山遠錄公云未透底人參
 句不如參意透得底人參意不如參句雲門下有三尊宿答吹毛劍
 俱云了唯是巴陵答得過於了字此乃得句也且道了字與珊瑚枝
 枝撐着月是同是別前來道三句可辨一鏃遼空要會這話須是絕
 情塵意想淨盡方見他道珊瑚枝枝撐着月若更作道理轉見摸索
 不着此語是禪月懷友人詩曰厚似鐵圍山上鐵薄似雙成仙體纈
 蜀機鳳雛動蹙蹙珊瑚枝枝撐着月王凱家中藏難掘顏回飢漢愁
 天雪古檜筆直雷不折雪衣石女蟠桃缺佩入龍宮步遲遲繡簾銀

簞何參差即不知驪龍失珠知不知巴陵於句中取一句答吹毛劍
 則是快劍刃上吹毛試之其毛自斷乃利劍謂之吹毛也巴陵只就
 他問處便答這僧話頭落也不知頌云

要平不平夫細若此好大巧若拙或指或掌看果不然

倚天照雪則瞻着大冶兮磨礪不下更用般煉作什良工兮拂

拭未歇人莫能行直饒三千將別別咄有什麼別珊瑚枝枝撐着月

三吏月落影照寒潭且道向什麼處去直得天下太平醉後即當修道人

要平不平大巧若拙古有俠客路見不平以強凌弱即飛劍取強者
 頭所以宗師家眉藏寶劍袖掛金鎗以斷不平之事大巧若拙巴陵
 答處要平不平之事為他語忒煞傷巧返成拙相似何故為佗不當
 面揮來却去僻地裏一截暗取人頭而人不覺或指或掌倚天照雪
 會得則如倚天長劍凜凜神威古人道心月孤圓光吞萬象光非照
 境境亦非存光境俱忘復是何物此寶劍或現在指上忽現掌中昔

日慶藏王說到這裏豎手云還見麼也不必在手指上也雪竇借路經過教你見古人意且道一切處不可不是吹毛劍也所以道三級浪高魚化龍癡人猶岸夜塘水祖庭事死載孝子傳云楚王夫人嘗夏乘涼抱鐵柱感孕後產一鐵塊楚王令干將鑄爲劍三年乃成雙劍一雌一雄干將密留雄以雌進於楚王王秘於匣中常聞悲鳴王問群臣臣曰劍有雌雄鳴者憶雄耳王大怒卽收干將殺之干將知其應乃以劍藏屋柱中因囑妻莫耶曰日出北戶南山其松松生於石劍在其中妻後生男名眉間赤年十五問母曰父何在母乃述前事久思惟剖枉得劍日夜欲爲父報讎楚王亦募覓其人宣言有得眉間赤者厚賞之眉間赤遂逃俄有客曰子得非眉間赤邪曰然客曰吾甌山人也能爲子報父讎赤曰父昔無辜枉被茶毒君今惠念何所須邪客曰當得子頭并劍赤乃與劍并頭客得之進於楚王王大喜客曰願煎油烹之王遂投於鼎中客詒於王曰其首不爛王方

臨視客於後以劍擬王頭墮鼎中於是二首相齧客恐眉間赤不勝乃自刎以助之三頭相齧尋亦俱爛楚王本無此一段雪竇道此劍能倚天照雪尋常道倚天長劍光能照雪這些子用處直得大冶兮磨礪不下任是良工拂拭也未歇良工卽干將是也故事自顯雪竇頌了未後顯出道別別也不妨奇特別有好處與尋常劍不同且道如何是別處珊瑚枝枝撐着月可謂光前絕後獨據寰中更無等匹畢竟如何諸人頭落也老僧更有一小偈

萬斛盈舟信手拏
拈提百轉舊公案

却因一粒甕吞蛇
撒却時人幾眼沙

語 音待欺也

醫 倪結切噉也

佛果園悟禪師碧巖錄卷第十終

佛果園悟禪師碧巖錄卷第十終
此錄人願讀也予讀其言一小則...
眼出意照眼出不對前...
才到鼻氣工...
眼出意照眼出不對前...
才到鼻氣工...
眼出意照眼出不對前...
才到鼻氣工...

後序

雪竇頌古百則。藁林學道詮要也。其間取譬經論或
儒家文史以發明此事。非具眼宗匠時為後學擊揚
剖析則無以知之。
園悟老師在成都時。予與諸人請益其說。師後住夾
山道林。復為學徒扣之。凡三提宗。語雖不同。其旨
一也。門人掇而錄之。既二十年矣。師未嘗過而問焉。
流傳四方。或致踳駁。諸方且因其言。以其道不能尋
繹之。而妄有改作。則此書遂廢矣。學者幸諦其傳焉。
宣和乙巳春暮上休。罕人關友無黨記。


重刊園悟禪師碧巖集疏

雪竇頌古百則。園悟重下注脚。留示叢林。永垂宗旨。經也。學人機鋒捷出。大慧密室勘辨。知無實指。毀梓不傳權也。此書諸佛正眼。列祖大機。兩經鉗錘。一無瑕類。茲欲與大慧長書並駕。同園悟心要。無行揭果日。於迷途指南。鍼於慧海。快然一觀。開彼群愚。相與圓成。不無利益。幸甚。

右伏以。十七歲便悟雲門睦州。可道是口頭三昧。二百年不見碧巖雪竇。忽遭渠手下。一交恁恁。得片活衲。莫斷却兒孫。種草隨人去。脚跟後轉。誰下得鈞龍鈎。有箇具眼。目底未。不看作繫驢橛。此事當如。後俞他時。自會筌忘。家々門戶。透長安。前者乎。後者德。種々因緣。歸大數。昔之廢今之興。莫恠小僧口多。終是老婆心切。不讀東土書。安知西來意。興一代宗風。雖無南去。鴈看取北來。魚便有十分消息。持同文。汗續無盡。謹疏。

今月 日 疏

園悟老祖居夾山時。集成此書。欲天下後世。知有佛祖玄奧。豈小補哉。老妙喜深患學者。不根於道。溺于知解。由是毀之。謂其父子之間。矛盾可乎。今喁中張居士。重為板行。果何謂哉。覽者宜自擇焉。大德壬寅中秋。住天童第七世。法孫比丘。淨日。拜手謹書。



園悟禪師評唱雪竇和尚頌古一百則剖決玄微抉剔
幽邃顯列祖之機用開後學之心源况妙智虛凝神機
默運晶旭輝而玄扃洞照圓蟾升而幽室朗明豈淺識
而能致極哉後大慧禪師因學人入室下語頗異疑之
纔勘而邪鋒自挫再鞠而納款自降曰我碧巖集中記
來實非有悟因慮其後不明根本專尚語言以圖中捷
由是火之以救斯弊也然成此書火此書其用心則一
豈有二哉岨中張明遠偶獲寫本後冊又獲雪堂刊本
及蜀本校訂訛舛刊成此書流通萬古使上根大智之
士一覽而頓開本心直造無疑之地豈小補云乎哉延
祐丁巳迎佛會日徑山住持比丘帝陵拜書以為後序

儒門子貢極有功於東家聖人藉令良馬見鞭影而奔皆如瞠若乎後
之顏子吾聖師遊乎何言之天久矣靈山會上四衆海集世尊拈花宗旨諸
人罔措獨迦葉尊者微為之破顏與吾教中一唯之外口耳俱喪同一
頓徹懸悟當時曾忝不直下剖擊忠恕之秘鑰豈惟門人之惑滋甚千
載之下何以祛一貫之迷雲乎異時成都佛果園悟老禪笏夾山丈室
拈提雪竇頌古百則其大弟子果上座懼學人泥於言句辜負從上諸
祖取老和尚舌頭一截併付列焰煙而颺之拉搔堆自以巨壑太虛投
置毫滴如古德德山賣弄油糠婆前此疏鈔已埃冷而無餘矣野火燒
不盡春風吹又生花落碧巖陽坡如繡歷過去劫死灰復然不知何許
許多葛藤一一從岨中張居士手栽無影樹子上全體敗露直得般若
無說諸天雨花百七八十年衲僧暮地橫穿鼻孔從前不曾嗅底寶熏
一旦水湧雲蒸於八万四千毛孔悉普悉徧可謂甚深希有難值難遇
之事已而居士二子得心疾或謂勤竇經果上座燬板居士不當拾遺

燼而日月光景之故。受如是報居士者疑其說以質於予。謂園悟門人
人人而果上座碧巖自碧。何得有說。果上座見月亡指。遂乃追元古佛。
毒燎亘天。倒却刹竿。不放一綫。彼未嘗識月者。誰將乘一指而示之。或
者又謂果上座火。此書盟之。社鬼者深重。居士二子之患。正坐此。予謂
當果上座灼然。素炬時。煉得故紙。通紅。何緣密室通風。老勤巴命門舌
根。別自有不壞處。一星迸散。明月空山。張居士那裏得這消息。來把天
然一段西蜀錦機。依舊織作舊日花樣。意者主林神陰為之地。訶護至
今。料亦是此書合出世。曰緣時節。清涼池上。針芥相逢。則書寫讀誦。為
人演說之功。應獲殊勝福德。何況金右刻鏤。展轉流布。居士二子之心
疾根本。本不在此。客作漢妄。以情識卜度。居士緣其目前不足計。拔之
禍福。亦以情識卜度之。是相隨赴火坑也。豈不冤哉。冥驗記沛國周氏
三氏並瘖。一日有客造門。曰君可內省宿愆。忽猛憶兒時見燕窠。三子
伺其母出。各以一簇藜。吞之。斯須共斃。母還悲鳴而去。常自悔責。客曰。

君既知悔責。罪今免矣。三子即皆能言。然則居士二子之病。風喪心。得
無亦有可悔恨之事乎。談般若者。若為人輕賤。是人先世罪業。應墮惡
道。以今世人輕賤。故先世罪業。即為消滅。居士能於此有省。縱无始劫
來所造諸業。當應時消滅。即君二子之心疾。當如周氏三子之應。時能
言。可以不疑。世尊住世四十九年。六百函文字。覆藏徧界。若從果上座
之說。萬年一念。更留踪跡。作麼向上。禪林無限尊宿。有兩句最端的。曰
任你即心即佛。我但非心非佛。今而後有謗。如來正法輪者。君但應之。
曰。任汝說。果上座底是我。只說勤老師底是。若不如是。即恐燎却面門。
四百四病。一時發矣。將如居士二子心疾。何不見古人道。養子方知父
母恩。居士學佛。知恩臨老。懺悔他日。作家爐鞴。跳出丈六金身。不知還
見勤老師。真箇揚眉豎佛。否。若還一句薦得。向道佛祖有誓。罪不重科。
莫殃及他家兒孫好。雖然如是。且得沒交涉。是年延祐丁巳中元日。海
粟老人馮子振題。

碧巖集行于世者數版卷套多。到上學徒盛後非便也。故予欲成小字縮行省紙冊。有年所矣。安政丁巳秋。篤信檀士戮力捨賤喜資。土木即命剞劂。氏事既竣。為喜捨刊梓。製存賤價。固予初志也。若夫碧巖曲節先哲。序跋善美。盡予何言。平簡省刻成。故書詹言於策端。爾安政六年歲在己未秋七月初吉。教位華園玉桃菴主萬寧玄暈敬識。



濃國 秋水源徽百拜謹書



慈海版一名宮橋本版元
御經并二佛教書籍問屋

京都市木屋町一條

發賣元 貝葉書院

